

Aut 165

N^o - 18

R 58

614
+2

A. 29
C. 3





92

M A R I I
S A L A M O N I I
P A T R I T I I R O M A N I
D E P R I N C I P A T V

LIBRI VI.

Ad Collegium de Legibus de Legibus de Legibus de Legibus
de Legibus AD

POMPONIVM BELEVRIVM
*Regis in Sacro Consistorio Consiliarium,
Præsidentemque suprema Curia
Parisiensis.*



P A R I S I I S,


Excudebat Dionysius du Val, sub Pegaso,
in vico Bellouaco. 1578.

Cum privilegio Regis.





POMPONIO BELEVRIO,
REGIS IN SANCTIORI
CONSISTORIO CONSI-
liario, & supremæ Curix
Parisiensis Præsidi,
IAC. CORBINELLVS.

IDISSE me olim memini
quædam huius Marij Sala-
monij opera, Vir præstantissi-
me; multũ illa quidem a lau-
datis viris, & præsertim iuris peritis di-
laudata: hoc vero DE PRINCIPATV
non alias memini me vidiſſe; cũ tamen fla-
grarem maximo deſiderio; propterea quod
& in ore multorum, & in amore eſſe
peruiderem. grates igitur ago maximas
Antonio Vacca, ſapienti viro, & omni-
bus virtutibus expolito, qui mihi miſit
ã ij

talem hunc librū; qui quidem ob egregium
ipsius argumentum fuit animo meo ca-
rissimus. quid enim carius accidere po-
tuisset viro bono, & qui vitam sub impo-
tenti dominatione morte grauiorem sem-
per existimavit, ipsa lectione veri Princi-
patus, ac libertatis? hic. n. horū librorū sco-
pus et finis est, commemorare principatus
tantummodo procurationem fuisse Prin-
cipis, ceterum ius & imperium penes fuis-
se Rempublicam; & ut unico verbo di-
cam, uniuersum populum, quasi suo Prin-
cipe potiorē. Rem igitur haudquaquā ab-
surdā me facturū existimaui, si efficerem,
ut ab omnibus bonis, ac sanis viris legi
possent, atque intelligi: antea enim vix po-
terant, præ innumerabilibus maculis, qui-
bus undique cooperiebantur. neque hoc
per insolentiam dixerim; ut ne quis putet
memet extollere laborem hunc meum; sed
quia omnino mihi visum est, minimam
partem non esse nostri meriti erga Rempu-

blicam, efficere, aliorū ut in eandem me-
rita celebrentur; quemadmodum & non
ineleganter, ut arbitror, neque imperite
dixit quidam, Partem esse meriti, meri-
tum celebrare piorum. Tametsi autem
satis superque auctor noster Salamonius,
qui egregius philosophus, & iurisconsultus
fuit, non modo aliorum ipsius operum
eruditione, sed & fama ipsa, scientiaque
clarissimorum hominum celebretur, ve-
rius tamen ex hisce libris apparet, ingenio
ipsum fuisse præualido, ac præcellenti; an-
tiqua præterea doctrina, sanctaque. quos
quidem libros ille quadā animi nobilitate
permotus (ut erat genere quoque clarus ac
pollēs) scripsit paulo fortasse liberius atq.
seuerius, quam postulent mores illorum,
quibus auersabile est parere veritatis legi-
bus, atque virtutis. namque præcepta qui-
dem iustitiæ sapientiæq. commendant; ea
tamen ipsa agitare dementiā arbitrantur.
ut merito illud Cæcilij poetæ dictum, pau-

lulum tamen immutatum usurpare possint, quod est apud Varronem :

Audire leges quod imperant solemus, non auscultare.

*Totum hoc igitur præclari huius ac de re-
publica benemeriti hominis, ab obtrecta-
tionibus inuidorū æquis iudicibus defen-
dendum trado atque commendo: mihique
satis erit, si tibi placuisse, POMPONI,
sentiam hoc quidquid est, qualecumq; li-
belli est, quem tibi do, dedico, vir clarif-
sime: haudquaquam ego illum alienū exi-
stimans a dignitate tua, aut ab illo mu-
nere, quod tu assidue tanta cum omnium
bonorū laude sustines apud Regem, atque
Rempublicam. et merito: amborum. n. ut
omnes sciūt, semper interfuit te rebus ma-
ximis interesse: & multum uterque de-
bent opera & navitati tuæ, quam duobus
præcipue temporibus præstitisti: primum
scilicet, cum adhuc Cracoviæ essemus, in
atroci illo asperoq; negotio discessus regij;
deinde, cum iam rediissemus in patriam,*

ubi non semel, sed iterum egregiam illam
tuam erga Regem, atque Remp. volun-
tatem, & animi firmitudinem ostendisti.
nisi enim te, iussu Regis, & summa etiam
voluntate omnium, in illas pacificationes
interposuisses, & propterea in ea te pericu-
la coniecisses, quæ adhuc integerrima, &
maxima erant, uno duntaxat prælio omnis
profecto fortuna Reipublicæ disceptasset.
Hæc certe tua publica sunt, ac penè divi-
na beneficia. qualia vero sint ea, quæ pri-
uatim in amicos conferre soles, nihil atti-
net memorare. de iis autem, quæ abs tua
voluntate in me ipsum profecta sunt, tan-
tū possū affirmare, ea animo perpetuo meo
fixa permansura. quō magis abs te petam
audacius V. C. sicut & magno opere pe-
to atque oro, si meam vitam, si fortunas, si
studia perspecta habes, ut eo amplius me
tuendum ac subleuandum existimes, quo
tibi tuo merito plura debeo.

K. Junij. M. D. LXXVIII.

ANGELI COLOTII EPISCOPI

Nucerin. Ad Marium Salamonium.



ANGELVS Politianus, qui nostra ætate multa præclara ingenij sui monumenta reliquit, Mirandulam, non Picum, sed Phœnicem vocare solebat, quasi auem vnicam, quæ in lauru Medicea nidificaret: ego te, cum lucubrationes & vigilias tuas in ista veneranda canitie considero, non Phœnicem, qui nusquam est, sed argenteum Anserem Capitolinum pro re Ro. custodem vigilantem commodius appello: nisi si quispiam te non MARIUM, sed MANLIUM malit: utpote qui stes pro Capitolio, hoc est, pro iurium Romani Principis, & Latinæ linguæ tutela in ista arce dimices.
Vale, & me ama.

MARI Salamonij opinionem de partu legitimo censendo, etiam si biduo post X. mensem natus sit, referens Tiraquelus in l. si vnquam C. De reuocandis donationibus. pag. 480. appellat eum, virum plane iuris, & humanitatis doctissimum.

ANTONIUS VACCA

IURISCONSULTI IACOBO

CORBINELLO S.P.D.



*P*VS hoc Marij Salamonij, e Sicilia quidem, ut accepimus, oriundi, verum & paterno incolatu, & dignatione quam obtinuit, ciuis ac patritij Ro. cum ego iam pridem legerim, Auctoremque illum saepius colaudarim, nouissime autem aestate torrida superiore anno mense Augusti, vixque eo ipso tempore otium ab interpellationib. nacti, feriendo cum relegerim, & à multis, quibus passim scatebat, mendis expurgauerim, nec ita multo post me ad te missurum pollicitus fuerim, mittere tamen haecenus distuli, quoniam & continua occupationum mearum molestia, & temporum à saeuente pestilentia difficultates, itineribus circumquaque occlusis, impedimento fuere. Nunc, cum & Lugduni, & aliis locis (que Deo gratia habenda est) melius esse allatum sit, mitto ad te Corbinelle optime. tu, si res digna videbitur, etiam typis excudendum curabis, ita, ut quae nostrarum emendationum coniectura du-

bia constare videbuntur, ea in marginem reiici
facias: nam omnia nimis longum foret: sunt
enim plura sexcentis, nec sane talia, quæ quivis
deprehendere potuisset. Ego vero, multifariam
huic diligentie assuetus (utpote qui Gabrie-
lem Faërnium Cremonensem, quo nemo ata-
te nostra in hoc studiorum genere diligentior ac
felicior fuit, Romæ etiam in contubernio ha-
bui, ludensque sæpius, atque interdum serio illi
concertabam) fiducialiter hoc ausus sum. Quid
vero in ea re præstiterim, tuum & aliorum
iudicium esse malo, quàm meam ipse operam
atque officium ambitiose extollere. Illud certo
scito, opus hoc, nec Romæ quidem, vbi pri-
mum, idemque postremum impressum fuit, vs-
quam inueniri: nam & diligenter ego id quæ-
ri feci, scilicet ut compararem vbi nostrarum
emendationum exemplar referre, ac simul citra
itinerum ac viarum discrimen transmittere ad
te possem. Me tamen & promissi obseruandi
fides, & Operis ipsius, ac tui bonorumque om-
nium, præsertim eorum qui ciues Romani sunt,
amor vicit, ut periculis id cõmittere, quàm ex-
pectanti tibi deesse malletm. Vale: & ut facis,
rem literariam promoue, atque in iis studiis ela-
bora. id tibi gloriam peperit, & pariet non

*contemnendam; Regi vero, atque Reginae eius
matri, Christianissimis, quorum auspiciis ac
providentia hæc agis, etiam supra immensos
cæterarum laudum cumulos, immortalè.*

Romæ K. Decemb. Anno Sal. 1577.

PRÆTERMISSA

6, 2j Pythagoram & Platonem. Adde & Varro-
nem in principio De re rustica: Et quoniam, vt
aiunt, Dei facientes adiuuant, prius inuocabo
eos, & quæ sequuntur.

64, 24. Exemplum est ex lib. Officior. 11: &
ita legendum. tenebatur, non iniuriis. & in fine.
erant, & refugium Senatus.

130. De rebus nouis, Adde quod disseruit apud
Tacitum C. Cassius: Sæpenumero P. C. in hoc or-
dine interfui, cum contra instituta & leges maio-
rum noua Senatus decreta postularentur, neque
sum aduersatus; non quia dubitarem super omni-
bus negotiis melius atque rectius olim prouisum,
& quæ conuerterentur in deterius mutari, sed ne
nimio amore antiqui moris studium meum ex-
tollere videret.

17, 16. sciscitor 29, 14. dicatur? 34, 25. adactum, sed solum
35, 12. nuncupetur 37, 2. Cicero. Seruitus 61, 16. Pyrrho
80, 15. sint 111, 27. Non utique: quamuis 126, 12. imperio.

QVÆ PRINCIPALITER
IN HIS LIBRIS CONTI-
NENTVR, HAEC SVNT.

In primo.

V trum, & quib. legib. solutus sit Princeps.	3
Tyrannidis est legibus non parere.	4
Vtrum lege sua Princeps ligetur.	8
Nunquid in ciuitate maior sit ipso Principatu potestas.	17
Num Princeps alia leges auctoritate constituat, quàm Principatus.	18
Num leges maioris auctoritatis sint ipso Princi- patu.	19
De ambitu. & quid inter ambitum sit, & simo- niam.	24
Quomodo sibi ipsi imperare quis dicitur.	33
Quomodo populus suis ligatur legibus.	35
Quid est ciuitas.	37
Quid lex.	39
Quomodo legibus utitur Princeps, & quomodo Priuatus.	40

II.

Quod plurib. & arctiorib. legib. ligatur Prin- ceps, quàm ceteri.	46
--	----

<i>Differentia inter Principem, & Tyrannum.</i>	47
<i>Quot eorumdem species.</i>	52
<i>Quas leges condere, quasque tollere potest Princeps.</i>	54
<i>Quae iustae, quaeue iniustae sint leges.</i>	55
<i>Propter quid Princeps.</i>	57
<i>Numquid Princeps communem suae anteponat utilitati.</i>	58
<i>An cum alterius detrimento communis utilitas sit procuranda.</i>	61
<i>An ad Principem pertineat curare commoda singulorum.</i>	65

III.

<i>An ad Principem de moribus cura pertineat, & quàm necessaria sit.</i>	69
<i>Quibus artibus Princeps ciues bonos efficiat.</i>	72
<i>Quae puniendi ratio, & castigandi modus.</i>	75
<i>De scandalizatione quadam pulchra.</i>	83
<i>Quibus Virtutibus praestare debet Princeps.</i>	88
<i>Diuitiae quatenus utiles sunt in ciuitate.</i>	89
<i>Quod neque armis, neque pecunia res magnae conficiuntur.</i>	92
<i>Diuitiarum cultus cur Reip. perniciosus.</i>	97
<i>Quid si Princeps virtutis sit expers.</i>	98

IIII.

<i>Quod decet Principem utrum oporteat.</i>	103
---	-----

Quomodo differunt Licitum, & Honestū. 103

De usu supremae potestatis. 106

V.

Vtrum Romanus Princeps vere legibus solutus fuerit. 109

Historia ab initio constituti Principis Romani. 110

De Imperatore Constantino. 113

Diuisio Imperij inter filios Constantini. 114

Diuisio Imperij inter Romanos, & Augustū. 115

Ad l. primam De constitutionibus Principum interpretatio. 118

VI.

De lege Regia. 121

Verba ultimae Tabulae legis Regiae: eiusque interpretatio. 122

De Imperio Vespasiani. 124





AD SANCTISS. LEONEM X.

PONT. MAX. MARIUS SALAMONIVS DE PRINCIPATV.

LIBER PRIMVS.



Ollicitatione B. P. spon- di hoc libro de iusto prin- cipatu quaedam ad te scri- bere : tametsi stricto iure inuitus exigi non possim, diuinum tamen, quod in te numen est, efficit vt ipse reus sim debendi, & tu credēdi. In arca nullum stipatum mihi est talentum maius, neque ma- ximum auri, vel argenti puti puri, sed vix inter minora appensum. Tu, tuo libripende adhibito, librabis, ne adulterinum fiet. Reliquum est, vt quaecunque sit, capias: capies autem quàm ma- ximum habui.

Querere, Vtrum legibus solutus Princeps sit, non aliud est, quàm de Principis potestate, ac iu- re querere. sacrilegium vulgo est, de eius pote- state, cui quicquid libuerit licet, questionem fa-

*cere: & utique retuliffem pedem, nifi tua man-
fuetudini dicatum opus castigandum exhibere-
tur, qui nofti, non ex fummo iure accipiēda quæ
difputationis gratia conferūtur: Abfit à simpli-
citate noftorum verborum malignus interpres:
fi, vt cæteri, licentiofa vtar difputandi folertia,
fine qua veritas iacere folet in tenebris. Et quia
res ardua, subtilique difputatione digna eft: &
à folis Iurifconfultorum traditionibus minime
pendens, verumetiam à Theologorum, & Phi-
lofophorum fublimate; iccirco opera pretium
duxi, adhibitis ex quaque difciplina personis,
qui inter fe more Socratico difceptarent: & quia
hiftoriarum commemoratione oratio fit illu-
ftrior, hiftoriæ ftudiofum adieci, qui noua, ac
vetera acta, vbi hiftoria opus eft recenseat. Hoc
enim pacto quid in quaque re veri fuerit, faci-
lius excutietur. Iam ipfos audire dignaberis.*

PHI. IUR. THE. HIST.

*Salve, Iurisperitorum maxime. Quid iſthic
tacitus tecum cogitas? videris nescio quid tota
mente speculari. IUR. Recte iudicas Philoſo-
phantium antiſtes, nec mirum, ſi quod in te ſæ-
pe experiris facile in alio intelligas. PHI. Quid
igitur? num aliquid inquisitione dignum? IUR.*

Dignū, & nō dignū. P H I. Ænigmata loqueris. I V R. Indignū inquam, quoniā tritū apud nos est, Romanum principem solutum esse legibus: & ita tritum, quod secus aestimare nefas & sacrilegum est: & idem, ex contrario, inuestigatione dignum, quod non facile animus assentitur, sic male cum genere humano agi, ut quicquid vni libuerit, pro lege & ratione sit. P H I. Principem, vel Tyrānum loqueris? I V R. Qui principem dicit, Tyrannum omnino excludit. P H I. Dic age. num legibus omnibus solutum dicitis? veluti quæ à natura vel iuregentiū sunt. T H E. Diuinis etiam. I V R. Vix excipiuntur istæ, quas nihilominus moderādi habere ius dicūt. P H I. quid audio? I V R. Miraris? P H I. Prorsus obstupeo. I V R. Quam ob rem? P H I. Quoniam Tyrānicum sonat vox ista. I V R. Quid ais? Tyrannidem ergo fouet ius nostrum? P H I. Si à recta proficiscitur ratione, non fouet: sin à potētioris vi, foueat est necesse, certo certius habe, nō teneri legibus, Tyrānidem, non principatum esse recte philosophantiū docere scholā. I V R. Mira narras. P H I. Audi ergo Aristotelē 4. Politices pro omnibus loquentē, Necesse est, inquit, Tyrānidem esse illam, quæ nullis legibus subiacet, & dominatur ad propriam utilitatem: Cuius sententia rationem alio loco sic explicat, Ciuitas, li-

4
 berorum est societas: & ideo à dominis gubernari transgressiones sunt, & labe. Et alibi Regia potestas, inquit, per quam Rex omnia ex voluntate sua gubernat, videtur non esse secundum naturā, ut vnus omnium dominus sit ciuium; cum ex similibus Ciuitas constet: nam similibus natura idem ius esse, est necessarium. Vides quàm planum sit, Tyrannidis esse legibus non ligari. I V R. Video sane, eo modo quo Aristoteles dicit, nullis legibus subiici: quod plane fateri cōuenit immaniſſimi Tyranni esse, diuina & humana iura contemnere. P H I. Verba aucupari minime oportet; non hoc solum Aristoteles sensit, quando dixit: Regia potestas, per quam Rex omnia ex voluntate sua gubernat &c. & alio loco: Reges secundum leges, & volentibus: Tyranni contra, & inuitis dominantur. de legibus enim ciuilibus loquitur Aristoteles, & non diuinis. T H E. Confirmo B. Thomæ auctōritate, prima secunda: ubi tradit Principem subiici legibus directiuis: & plenius idem Thomas. iiij. commentariorū in politices sic loquitur: Oportet in ciuitate Principem habere regulam, per quam dirigatur in operationib⁹ suis, & dirigat alios, & per quam iudicet. hoc autē sit per legem. P H I. Appositiſſime hæc Aquinatis. Tu vero dic quaſo; qua ratione legibus solutum

dicis? Nec illo contentus sum, quod sit constitu-
tum legis istud, Quoniam potētioris vis est, non
iuris. I V R. Ratio ea in primis proditur; quòd
nemo sibi met præscribere legem potest: similiter
nec præcipere. ridiculosa enim res esset lex: veluti
stipulatio, quando vim necessitatis non affert.
Nihil tam proprium legis est; quam imperare,
vetare, & punire: qua non nisi in subditos vim
habent. T H E. Hinc apud nos quæri solet: Nū-
quid Papa eadem constitutione teneatur, qua
omnis utriusque sexus quotannis peccata confi-
teri, & Eucharistiam religiose capere præcipi-
tur: & vicit ea sententia, ut non obligetur.
I V R. Idem & iuris Canonici professores sen-
tiunt. H I S T. Nō peccavit ergo Iulius. I I. qui
bello Bononiensi occupatus, confessionis oblitus
fuit. T H. Peccavit: quamuis pœna illius Cano-
nis non ligetur: quippe in Pontifice minime bo-
ni res exempli fuit. P H. Aut peccavit, aut non
peccavit: si peccavit, utique non ob aliud pecca-
vit, nisi quòd huiusmodi legi non paruit: non
enim peccasset, nisi talis lex lata fuisset: cui pec-
casse non potuit, nisi illi extitisset obnoxius. T H.
Sic argumentatur Apostolus ad Roma. dicens:
Peccatum autem non imputabatur, cum lex non
esset. & rursus: Vbi non est lex, nec prævarica-
tio. I V R. Solum lex causam peccato dedit: quòd

6 MARIUS SALAMONIUS
alterius, & haud illepada inuestigationis est:
P H I. Redeamus ergo ad quaestionem nostram.
I V R. Expedit. P H I. Luculenter explicastis
rationes & exempla, quibus dicitis, Principem
solutum esse legibus: verum melius multo futu-
rum, si de singulis nominatim differatur, dum
tēpus suppetit, quod turpe est nobis ducere ocio-
sum. I V R. Vtinam: hoc ipsum diu desideravi,
aliquando mihi contingeret cum sapientibus
disputare. tenes quae à me dicta sunt? alioquin
breui epilogo repetam. P H I. Teneo: non opus est
repetas: verum siquid præterisse videbor, non
pigeat recordari. I V R. Obtemperabo. P H I.
Attente velim audiatis omnes, & si quid dicen-
dum succurret tibi, tu diuini dogmatis magister
in medium asferre non remoreris. T H E. Liben-
tissime morem geram. Dic age tuo arbitrio: sed
caue ne inauspicato incipias. P H I. Religiose
mones, ut Christianū decet: & ipse habeo, quos
in hoc imiter. T H E. Quos? P H I. Pythago-
ram, & Platonem, qui ubique nos admonent,
nequid aggrediamur sine diuini numinis inuo-
catione, ut ne cogitatum quidem exceperint. In
omnibus, inquit Plato, rebus dicendis, & cogitā-
dis principium semper de Diis est faciendum.
Pythagoras: Accede ad opus, ait: Deos ora, ut
conficias. T H. Inuocemus igitur. P H. Tuum est

id. p. 100
misse P.

enim, antistes diuinorum. TH. Caute dictum.

*PHI. At casta, pura, & defacata mente iubent
iidem. TH. Pie iubent, & cum nostris commu-*

*ne traditionibus. HIST. Perpaucissimi quidem
implere nunc hoc munus ista ratione potuerunt.*

*PHI. In legibus hoc amplius adiicit: Ab im-
puro, quia infensus est Deo, munera capere, ne-
que Deum solere, neque bonum virum decere.*

*HIST. Iccirco Dion Platonicus grandem pecu-
niam à Dyonisio Tyranno missam respuisse fer-
tur. THE. Didicit ea Plato in libris Mosis, ut*

*in Leuitico: Homo, in quo fuerit macula & vi-
tium, non accedat dona offerre Deo. Idem in*

*Exodo: Sacerdotes, qui accedunt ad Dominum
Deum, sanctificetur, ne forte derelinquat eos do-*

*minus. Et Propheta, O Sacerdotes si non posue-
ritis in corde vestro, ut detis honorem nomini*

*meo, dicit dominus, mittam in vos maledictio-
nem, & maledicam benedictionem vestram. Et*

*alibi: Peccatores Deus non audit. Et in parabo-
lis: Victimæ impiorum abominabiles Deo sunt.*

*HIST. Hem quàm male nobiscum agitur, qui
pro benedictione, malorum Sacerdotum preci-*

*bus maledictionem recipimus. O miseram, &
stultam plebeculã, quæ dum credit istorum sup-*

*plicationibus Deum propitiari, quotidie emun-
gitur, & tondetur, ut Deo tandem fiat infen-*

sior. THE. *Nostra ergo oratio in Deiparam dirigatur, quæ peccatoribus etiam aduocationem non denegat.* HIST. *Factu, & cogitatu religiosissimum.* THE. *Et vos pie tota mente intēdite. Te Diua parēs supplices exoramus: tuis meritis, tuisque precibus impetra, ut diuini Spiritus illapsu, illustratis animis, ueritatem in singulis eruamus. Audacter nunc, ac fidenter ad opus accedamus.* PHI. *Principem dicis, sapiētissime Iurisperite, suis non ligari legibus?* IVR. *Prorsus.* PHI. *Ligatur ne alienis?* IVR. *Minime.* PHI. *Ergo neque suis, neque ligatur alienis.* IVR. *utique.* PHI. *Si neque suis, neque ligatur alienis, ergo nullis.* IVR. *Non dixi omnino nullis, alioquin tyrānum defenderē.* PHI. *Quid iccirco sentis? si dicis, nonnullis, ergo aliquibus.* IVR. *Non ita nego teneri, quod nullis omnino non ligetur, & per hoc, neque diuinis, neque humanis: sed alienis, idest quæ positu civili sunt alienæ.* PHI. *Ergo iis, quæ ab uniuerso scriptæ sunt populo, est solutus.* IVR. *Nulli dubium.* PHI. *Et propterea Lege regia est solutus.* IVR. *Hoc ipsum enim Lege regia continetur, ut legibus solutus esset.* PHI. *Legistin tu Legem regiam?* IVR. *Non habemus.* PHI. *Diuinator sic mihi uideris, non legum peritus.* IVR. *Liquet inter nos locupletissimo Vlpiani*

testimonio, Po. Ro. qui suis legibus solutus erat, Lege regia omne suum imperium, ac potestatem in Principem trāstulisse. PHI. De hac re paulo post differemus. At nunc ad quæsitā responde.

IVR. Quid desideras? PHI. Lex regia a quo lata dicitur? IVR. à S. P. Q. R. PHI. Populi ergo lex fuit. IVR. Quis ambigit? PHI.

Si populi lex est, & illa tenetur: ergo lege populi tenetur. IVR. Sophismata loqueris: aio quidem Lege regia solutum Principem, idest, ad hoc lata, ut legibus solutus non ignoraretur:

quomodo ita quis ea religari potest, qua liber solutusque esse iubetur? PHI. Responde quæso: fuit ne in arbitrio populi eam ferre, & non ferre legem? IVR. Fuit utique. PHI. Et illis conditionibus quæ placuissent populo? IVR. Concedo. PHI. Potuit ne princeps aliis conditionibus principatum inire, quàm quæ Lege regia sunt scriptæ? IVR. Nequaquam. PHI. Ergo conditionibus Legis regię parebit princeps. IVR.

Proculdubio, nisi velit Tyrannidem exercere. PHI. Ergo Lege regia ligatur Princeps: & per hoc, populi. THE. Negari non potest, cede.

IVR. Cedo ligari illa sola. PHI. Et nisi eadem lege cautum sit, aliis quibusdam subiici. IVR.

Videtur. PHI. Quid? si Lege regia cautum sit omnibus teneri? IVR. Subsisto: quoniam isto

modo à priuato diſtare non videretur: Verum talis inquitio ſuperuacua eſt: quū liqueat, legibus & populi, & ſuis ſolutū. P H I. Nimis propere: nondum liquet, quod haud multo poſt excutiemus. Firmum ſit itaque inter nos, lege diuina, & naturali, ac regia ſolutū non eſſe principem. I V R. Eſto. P H I. Rogare omiſeram, ſi quid diuini, vel naturalis iuris Princeps ſuis legibus inſeruerit, diuino iuri ſic, vel naturali ſolutus erit? I V R. Captio hac eſſet. P H I. Non intellico. I V R. Diuino, & gentium iure omnino tenetur Princeps, ſuis vel inſeruat legibus, vel non inſeruat: diuina etenim iura, ac naturalia factō hominis neque mutari neque labefactari queunt. P H I. Et ſi ſuperſint adhuc quedam, de Lege regia cōuenit prius excutiamus: quo pacto accipitis illud, Neminem ſibi legem dicere poſſe? I V R. Doctores noſtri exemplum capiunt à teſtatore, qui nulla ratione poteſt ita teſtamentum cōdere, quin valeat aliud, atque aliud mutare. P H I. In arbitriq; iccirco ſemper eſt ſuo? I V R. Proculdubio: etiam ſi iuramento, vel ſtipulatione ſe obſtrinxerit: quoniam moribus improbatū eſt id ligamen: P H I. Dic queſo: quam diu non mutauerit, erit ne valide ſcripta voluntas? I V R. Validiſſime. P H I. Ni fallor concludit hac ratio, in arbitrio Principis eſſe legem

abrogare. I V R. Certe. P H I. Sed antequam abrogetur, illi stabitur veluti testamēto non mutato? I V R. Proxus. P H I. Si stari conuenit, ergo non abrogata lege Princeps ligatur. I V R. Scite dictum, stari conuenit, non autem, oportet. P H I. Alia est consideratio: Si conuenit, utrum oporteat. Ipse nunc inquam stari oportere. I V R. Exempla, rerum imagines sunt, non regulae: facilius enim demonstrationis gratia adhibentur: non me fugit exemplo testatoris minime probari licentiam principis erga leges: sane indubitati iuris est, quod nemo sibi met legem dicere potest. P H I. Dic quæso: pactis conuentis obstringitur Princeps? I V R. Vtique. P H I. Lege ergo cōventionis obstringitur. I V R. Non dubium. P H I. A seipso, an ab alio sic obstringitur? I V R. Lege, à seipso, & alio dicta. P H I. Ergo, non suo placito. I V R. Immo suo, & alterius contrahentis. Verum non eadem generalis, & legis conuenientialis est ratio: Lex enim generalis à solo Principe ut vulgari potest, æque ab eodem solo abrogari potest: Cōtractus autem & conuentiones, veluti sine plurium consensu haud conficiuntur, similiter sine eorundem consensu minime dissoluantur: & hoc natura propriissimum est, eodem unumquodque vinculo dissolui, quo colligatum est. P H I. In summa,

lege contractus ligari ais Principem, quia à se solo non dicitur. lege autem cōstitutionis, secus, quia à se solo dicitur. I V R. Recte tenes. P H I. Ergo si quid statuatur Princeps, Senatus populiue consensu, ligaretur Princeps. I V R. nequaquam, humanissime: qui facit populi adhibere consensum, cōsideratius sic tulisse legē creditur. nihil de Principis minuitur maiestate, si sapientum cōsilio Remp. administret; quinimmo plus ponderis, & auctōritatis suis adiūgit actibus. P H I. Non igitur interest solus, vel cum alio legem ferat. I V R. Ita prorsus: in promulganda lege nō hoc agitur, ut ipse ligetur Princeps. P H I. Quid si ageretur? I V R. subsisto: verūtamen quis impellet eum legibus parere? frustratoria lex esse non debet. propter hanc etiam causam cōtendimus, non de iurisci legibus, qui, sibi met uti non precipere, pariter nec semet cogere potest. P H I. Animaduerte quid loqueris. I V R. Scio hanc rationem omnibus probari. P H I. Caue ne decipiaris. I V R. Nihil vulgarius in iure nostro: non decipior. P H I. De tyranno, an de principe sentis? I V R. De vero Rom. Principe & sentio, & loquor: quid causæ est, quòd de Tyranno potius, quàm de Principe arbitraris? P H I. Recordare, quod paulo ante concesseras, Tyrannidis esse nullis teneri legibus. I V R. Plane concessi,

& concedo. P H I. Si diligenter inspicias, nihil aliud ista ratione efficitur, quàm, quod nō magis diuina, aut humana, aut regia, aut cōventionali lege tenēatur, postquam neque ab alio, neque à seipso cogi potest legibus parere. quid iuris, nos querimus, non quid iniuria & licentiosæ potētie. alioquin princeps, neque fur, neque adulter, neque raptor, neque sacrilegus esse poterit, sicut legum ista ratione neque temerator. I V R. Natura turpia sunt hæc, quæ nulla hominum constitutione queunt fieri licita. P H I. quid tum, si ab impunitate metimur licita, & illicita? I V R. Quid ais? P H I. Id ipsum, quod paulo ante dicebas, Principem ideo legibus solutū, quia compelli non potest legibus parere. quæ vox nihil aliud sibi vult, nisi omnia principi licere, postquam neq, à seipso, neq, ab alio cogi potest. de quo modo ex his conflatur, solum Pont. Romanum solutum esse legibus. attamen nihil refert, Papam, vel alium noster respiciat sermo, postquā de eo loquimur, qui supremus est Princeps. T H E. Animaduertite viri disertissimi, quod idem Thomas in illud psal. Tibi soli peccavi, &c. iccirco soli Deo peccare Rex dicitur, quia non est homo, inquit, qui facta eius iudicet. H I S T. Psallentis Davidis verba sunt hæc, qui à Deo Rex fuit ante R. Imperium. T H E.

De omnibus indefinite Regibus Thomas loquitur. IVR. Ioannes Andrea, vir in iuris scientia sapientissimus, subtiliter in utramque partem disputando defendit, Episcopum non ligari suis legibus, quem Pont. Romano, & aliis primatibus obedire non ignoramus: unde perspicuum fit, non inde pendere, quod Princeps principum sit. PHI. Unde ergo pendere debent? IVR. Sufficit eiusmodi sit Princeps quod in arbitrio suo sit legem dicere, & tollere. adiecitque idem Ioan. Andr. inutiliter de seipso statuere Episcopum. PHI. Multo magis ergo maior Episcopo. IVR. Nihil obstat. PHI. Sed cur inualide de se ipso legem fert? IVR. Si quidem par in parem non habet imperium, multo certe minus in seipsum. PHI. Quid si par pari se subiicit? IVR. Est receptum, Ulpianus ait, eoque iure utimur, Siquis maior, vel equalis se subiiciat iurisdictioni alterius, in eum ius dici posse. PHI. Cur legi, qua maioris auctoritatis est, se non potest subiicere, & rationi per quam homo est? IVR. Quoniam lex ab ipso est, nec quisquam subiici sibi potest. PHI. Ergo qui sua se legi subiicit, sibi se subiicit. IVR. Videtur. PHI. Lex igitur, & princeps idem sunt. IVR. non idem. PHI. Si legibus parēdo Principi obeditur, mortuo sic principi obe-

diretur. mortuóque se subiicit, qui legibus mortui obedit. HIST. Similiter Po. Romanus expulsis Tarquinis obediuit, qui eorundem expulſorum legibus obediuit. IVR. Neque mortuis quippe regibus, neque eiectis obeditur. & sublatis de medio regibus, sublata simul eorundem non intelliguntur leges. PHI. Quid cauſa eſt? IVR. Non ſuccurrit. PHI. Sublatis Tyrannis eorum non rata ſunt acta rerũ. IVR. Quòd Princeps iure legitimo, Tyrannus vero contra. PHI. Quid iſtud ius legitimũ? IVR. Quòd rex ſecundum leges regnat, Tyrannus ſecus. PHI. Ius iſtud legitimum nunquid aliud eſt, quàm ius publicum? id eſt, populi, cuius iure lex cõſtituitur. IVR. Ius principatus arbitror. PHI. Ius principatus ais: dic qua poteſtate Princeps conſtituitur? IVR. Sua ipſius. PHI. Princeps à ſeipſo, an ab alio princeps eſt? IVR. Nihil refert à ſeipſo, an ab alio ſit, qui ubi principatum adeptus eſt, à ſeipſo, ideſt ſuo principatu poteſtatem habet. PHI. Principatus ab aeterno eſt? an aliquando eſſe cœpit? IVR. omnium parẽs Natura, ſiue Deus ab initio omnes homines æquales genuit. ingruentibus deinde neceſſitatibus, proceſſit non eadem omnium conditio, & officiũ; ſic cœperunt regna & Principatus hominum conuentionibus. PHI. Prin-

cipatus ergo non à se ipso, sed ab alio quandoque esse cœpit. I V R. Non dubium Principem Romanũ providentia Pop. Romani cœpisse. H I S T. Julius Cæsar, invito Pop. Romano atque expugnato, obtinuit principatum. P H I. Archityrannum loqueris. I V R. Archityrannum memoras Cæsarem? P H I. Cæsarem. H I S T. Nullus adeo l' urbi unquã infestior, expilato sane arario, direptis templis, profanato divino, humanoque iure, infestis armis, sacrosanctam patriæ libertatem primus violavit, atque eripuit. P H I. Quomodo ergo providentia Pop. Romani principatus esse cœpit? H I S. Cæsar Octavius primus à Populo Rom. Augustus est appellatus. I V R. Decreto Pop. Rom. Princeps fuit, quod Lex regia dicta est. P H I. Ex auctoritate ergo Legis regie Princeps dicitur, atque constituitur? I V R. Etiam Imperator, Constantini confessione, dicentis de auctoritate iuris Principatũ pendere, auctoritatem scilicet Legis regie Accursius, & omnes intelligunt. P H I. Nunc quæso advertite quam lucide ex his efficitur, Principẽ, qui suis se legibus subiicit, illi se subdere potestati, qua constituitur. I V R. Animadverto. P H I. Palàmque fit, non sibimet subiici, sed madori cuidam auctoritati. I V R. Diligenter cõsidera que loqueris, vir sapientissime: nova nimirum

mirum sunt ista. Maius esse quippiam in Ciuitate ipso principatu: & Principem, suis qui se subiicit legibus, nō sua se subdere potestati, quasi Princeps alia potestate, quā principatus, leges constituat: & per hoc defendi posse, legē Principis maioris esse auctoritatis, quā ipse sit Princeps, vel principatus. Hinc etiam illud effici, non fore in arbitrio Principis suas abrogare leges, si maioris auctoritatis sunt leges, quā ipse sit principatus. PHI. Ingeniose colligis, & subtilius querere videris, Nunquid in Ciuitate maior sit ipso principatu potestas: Nunquid Princeps alia leges cōstituatur auctoritate, quā principatus: Nunquid maioris auctoritatis leges ipso principatu existant. postremo, Num in arbitrio sit Principis, leges tollere. Quāuis inter nos disputetur vtrum princeps valeat suis ligari legibus, percommode incidunt quæstiones, quas facis: sine quibus omnis nostra disputatio extricari non potest: & quo facilius earum procedat discussio, ad quæ rogauero nō dedignaberis breuiter respondere. IVR. Morem geram. PHI. Nōne maior Legis regia vis est, atque potestas, quā ipse sit principatus? IVR. Subsisto. Cardinales summum Pont. eligunt, qui ab omni parte maior est ipso collegio. PHI. Non hoc scis eitor, Cuius potior auctoritas electi sit, vel eli-

gentium: sed Nunquid vis atque potestas maior sit eius iuris, quo principatus sit, an Principatus ipse? &, ut tuo utar exemplo, Nunquid vis ac potestas maior sit eius iuris, quo Papatus constitit, an ipse Papatus? THE. Scite philosopharis: nam Papa auctoritate & potentia divina constat, & non eligentium Cardinalium: quae quidem electio declaratio magis est hominis unius, in quo Christi resideat auctoritas. IVR. Haud latet nos istud; propter quod dicimus, mox ut declaratus Papa est quispian, plenam habere clavium potestatem. PHI. A quo habet? IVR. A Deo. PHI. Et cuius institutione? IVR. Non alia, quam divina. PHI. Nonne auctoritas, & institutio divina, qua eligitur Papa, maior est ipso Papatu? IVR. Prorsus. PHI. Similiter auctoritas ac vis, qua Princeps constituitur, maior est ipso principatu. IVR. Non eadem in utroque ratio. nam Papa semper est minor suo authore: Princeps verò non princeps esset, si minor esset suo populo. pugnat praesse, & subesse; qui subditus est natura non patitur maior sit suo Principe. HIS. Credis tu populum Rom. in dominum sibi Principem suscepisse, seque illi ut mancipium dedidisse? IVR. Quid obstat? PHI. Huius rei tota cognitio pendet ab historia: quam tantisper obsecro disse-

ramus donec ratiocinatione pugnatur. HIST. Auscultabo. dic breuiter. non enim patiar amplius istos leguleios tanto in errore delitescere. vehementer excrucior, quod, rerum Romanarū sponte ignari, non erubescunt de institutis Romanis sese exhibere magistros. PHI. Dic quæso quid maius censes eligere, an creari aliquid à creatore? IVR. Proculdubio creare: plus enim iuris habet: eligere verò, plus facti. & ideo serui & deportati, & cæteri, iuris incapaces, possunt electionis fieri compotes. PHI. Dic rursus, creatura potest esse maior suo creatore? IVR. Haudquaquam. PHI. Populus, qui nouum magistratum, vel principatum instituit, nonne id creat, quod ante non fuit? IVR. Quidni? PHI. Et suo iure, auctoritate, & potètia creat? IVR. Fateri conuenit. PHI. populus creans maior est à se creato Principe, suo veluti effecto maior sua quæque causa, similiter ipsum ius, authoritas, atque potestas, qua creatur Princeps, maius quiddam est suo principatu. IVR. Cōcedo dum creat, sed ubi creatus est, supereminet suo populo. Nam in hoc creatur, ut esset Princeps, id est, maior. PHI. Scilicet uniuerso populo. IVR. Cuius alterius? PHI. Vt esset ciuium singulorum. dic age populus sponte, an inuitus Principem ab initio constituit? IVR. Nemine co-

gente, communi nisi commodo, quod interdum necessitatis vim habet, P H I. Seruitus sponte subitur an contra? I V R. Non nisi ab inuito quoque. P H I. Credibile est ergo, non in dominum populum sibi praefecisse Principem. I V R. Non verissimile, verumtamen fecit. P H I. Redis ad historiam. I V R. Ut quid ergo princeps est? P H I. Ut princeps sit, non dominus: ut volentibus imperet, & nō dominetur inuitis, quod proprium est Tyrānidis, ut supra retulimus, si memineras. I V R. Non oblitus sum. P H I. Dic amice, supremus quātumuis magistratus, est ne maior vniuerso populo, cuius auctoritate magistratus est? I V R. Non adepol: minister sane est. inutiliter iura à populo scriberentur, nisi essent, qui illa gererēt. P H I. Num magistratus minor est ut populo, ita ciuibus quibúsque? I V R. Singulis quidem maior, in quos exercet imperium: vniuerso verò populo inferior, cuius minister est: veluti seruus aut libertus vniuersitatis non est singulorum seruus neque libertus, aequè magistratus non est singulorum minister, sed superior, agit enim in singulos vices, ac populi potestatem. nam vniuersus populus simul nequit omnia gerere. Ideo magistratus constituit, qui eius vices agant. P H I. Quicquid ergo magistratus facit ac gerit, populi au-

et auctoritate facit & gerit. nec diuersum de Principe censendum est. I V R. Atqui diuersa satis est causa principatus. nam perpetuus est, suoq; nutu ac iure gubernat omnia. Magistratus autem temporanei sunt, ut populi arbitrio variabiles, ita etiam administrantes. P H I. Dic quæso, menstruus magistratus nonne magistratus est? I V R. Vtique. P H I. Et annuus? I V R. Etiam. P H I. Et decennalis? I V R. Nihilominus magistratus est etiam vicennalis, & tricennalis. P H I. Nunquid tricennalis, quod diuturnior est, amplius quàm magistratus est? & menstruus vel annuus, quia menstruus vel annalis est, ideo magistratus non erit? I V R. Veluti menstruus, & annalis, quia huiusmodi est, non ideo minus magistratus est: pariter tricennalis, ac longior magis, nihilomagus magistratus est. P H I. Tempus ergo non est efficiens magistratum. I V R. Proculdubio. P H I. Sic ergo perpetuus vel momentaneus magistratus nihilominus magistratus est. I V R. Nihil obstat. P H I. Principatus non est aliud ista ratione, quàm magistratus quidam perpetuus: & propterea non plus quam populi magistratus. Cur ergo non auctoritate & iure populi gerit ac constituit, sicuti ceteri magistratus? Cur similiter ipso populo non inferior? I V R. Concederem,

nisi Princeps super omnes Magistratus esset.
 P H I. *Firmū sit inter vos perennitatem tēporis non facere quo minus Princeps sit magistratus.*
 I V R. *Sit firmum ut libet: quid tum?* P H I. *Non est nouum in Ciuitate plures esse magistratum ordines, alios maiores, alios minores. qui maiores, vnus vel plures, non eo minus aut magis magistratus sunt, quòd supremum locū obtineant, ut Consules, licet infra se sint Pratores, Censores, Ædiles, & deinceps reliqui.* I V R. *Alio imperio supereminet Princeps, alio maiores magistratus: pendent ab eo omnes, creanturque, & ad arbitrium abrogantur.* P H I. *Qua ratione?* I V R. *Iure principatus.* P H I. *Iure principatus, an quòd populus sic sciuit?* H I S T. *Dictatores constat ante Imperatores haud minore potestate exercuisse, neque aliunde quàm quòd populo sic placuit.* P H I. *Et similiter si ex voluntate, magistratus creat vel abrogat, & alia omnia aut inuito dixeris populo, aut cōtra. Si inuito, Tyrannis, non Principatus est. Si non inuito, ergo illa potestate facit, quam populus sciuit.* H I S. *Fallitur qui putat semper in arbitrio fuisse Principum magistratus facere, & abrogare. nam diuus Aug. legem Iuliam de ambitu tulit, qua multiplici pena ambitū coercuisse Tranquillus meminit, mitius enim lege*

Calphurnia, deinde. S. C. quod Cicerone Cōsule factū fuit, ante puniebatur. Hinc Antiſtius Labeo, & Iuris Ciuilis, & omnium bonarum artium scientia pollens, ab Auguſto oblatum Conſulatum renuit, quod neque ipſi dare, neque ſibi capere contra leges, & mores ſas eſſet: quod ex voluntate Auguſti ſi deferebantur magiſtratus, fruſtra graui ſanctiōne legis Iulia ambitū cohibuiſſet. Præterea multos legimus Principes cādidos in campū deſendiſſe: & præ cæteris pro tertio Conſulatu diuum Traianum ante ſedentem Conſulem ſtetiſſe: & in eius manibus ex more iuraſſe in leges. I V R. His congruunt Modeſtini ad legem Iuliam de ambitu, verba: Hac lex, inquit, hodie in vrbe ceſſat. ad curam Principis magiſtratuū creatio pertinet, nō ad fauorē populi. Hodie, ait, quaſi non prius, aut nō ſemper ſub Imperatoribus ea lex ceſſaſſet. HIS. Modeſtinus hic Maximini Imper. temporibus floruit. Iam tunc, imperium, & ante deſciuerat in Tyrannidem. I V R. A te mihi explanari velim, qualis fuit popularis fauor ille. HIS. Coitiones populares ad creandos magiſtratus, ad leges ferendas, Comitia appellarunt. cum Conſularia, quibus de creandis Coſ. agebatur, tum Prætoria, Cenſoria, Ædilitia, & reliquorum denique magiſtratuū, quorum alia calata, alia cu-

riata, alia cēturiata, dicebantur. Calata pro collegio Pontificum habebantur, & Flaminum, & sacrorum augurandorum causa: ubi manumissiones, emancipationes, & testamenta per as & libram fiebant. Calari, id est, conuocari per lictorem solebant. Hinc calata hodie vocitamus conuiuia ruralia, siue vinearia: quæ conuocatis vicinis & propinquioribus frequentamus. Curriata, ubi per Curias, id est, Tribus: quæ xxxv. erant, suffragia ferebantur. Centuriata, quando centuriatis, id est, per centurias suffragia adnotabantur. Die comitiorum Cādidiati, id est magistratus petitori in Campum Martium descēdebant: qui maiori suffragiorum fauore vicisset Consul à Consule renunciabatur. ambientes itaque non gratia, sed præmio suffragia, lege Iulia de ambitu plectebātur. nam honores petitori, ambire id est circuire singulos solebāt, præstare dextras rogarēque, ut se suffragiis iuuarēt. habes hæc? I V R. Habeo H I S. Quid admirabundus ergo cogitas? I V R. Mecum cogito atque perpendo, quàm male intelligant Doctores nostri illa Modestini verba, ex quibus deducunt cum Papa non contrahi simoniam. H I S. Quid habet commune simonia cum ambitu? I V R. Nihil me hercle, ut nunc didici. Simonia à Simone Mago, qui gratiam sancti Spiritus

tus promereri voluit. Ambitus autem lex non cessat propter personam Principis. sed ubi cessat necessitas popularium suffragiorum ambiendi fauores, qui ad simonias non desiderantur. THE.

Simon Petrus protopapa & ipse fuit; à quo Magus ille emere sanctualia pratentaui. IV R.

Quid ergo? THE. Si Petrus licitatoremi admisisset, ut tentata, sic consumata simonia diffinitionem ad nos transmisisset. PHI. Hem quo diuertistis? quid ad rem nostram simonia, vel ambitus? IV R.

Si non ad nos, verum ad me pertinet cuiusque legis mentem & vim non ignorare, ne per imprudentiam falsa consulentibus respondeam. At nuuc perge quò cæperas. PHI.

Ex supradictis animaduertisti manifestum fieri, Principatum esse magistratum quendam à populo institutum: & ut primum institutus fuit, talem consensum & auctoritatem ab uniuerso populo cepisse, ut quicquid ageret, eodem consensu & auctoritate agere videretur: quicquid ergo constituit Princeps, populi consensu & auctoritate statuere dictum est: & per hoc non sua, sed populi auctoritate constituit, ut reliqui Magistratus. IV R. Vix mihi suaderi hoc potest. & sentio & aio, postquam Princeps cæpit esse, veluti quilibet Magistratus iure magistratus munia obit, eodem modo iure principatus obire Principem. habet enim quis-

que magistratus sua quadam propria, quae iure magistratus cōpetere dicuntur. pariter & Princeps habet sua ipsius, quae iure Principatus gerit atque constituit. P H I. Hæc sua ipsius iura cuiusmodi sunt? I V R. Sine prouocatione ius dicere, In caput ciuis animaduertere vel indulgere, Leges in primis sine scitu populi condere vel abrogare, De bello & pace decernere, & alia multa; sine quibus Princeps non est. P H I. Quæ sunt illa, sine quibus Princeps esse non potest? I V R. Longum est singula persequi: in summa quicquid libuerit, ius & fas sit. P H I. Ad Tyrannum redis. Dic age, Princeps est à natura semper eodémque modo Princeps, & ubique similiter? I V R. Apertius ediffere. P H I. Principatus ipse est à natura, siue hominum constitutione: & ideo ubique sibiipso similis tam apud Romanos, quàm Parthos, Scythas, Medos, & alias nationes omnes. I V R. Talis est, qualis suo cuiq; placet populo. P H I. Parthorum Princeps, Medorum, & Scytharum, si talis, qualis Parthis, Medis, & Scythis placet, nonne Romanus qualis Populus Romanus sciuit? I V R. Quis dubitat. P H I. Similiter & Iura Romani Principatus nõ possunt alia esse quàm quæ Romanis placēt, veluti alia nequeunt principatus Parthici esse, ac Medici, quàm quæ Parthis; & Medis placent.

I V R. Prorsus. P H I. Iure ergo principatus illa competere dicendum, quæ populo placuerunt.

I V R. Conuenit. P H I. Ex his, si diligenter cōsideras, palam fit, ius Principatus nihil aliud esse, quàm ius quoddam populi: & per hoc, iure populi & auctōritate quisque Principatū agere, ac leges constituere; nec plus posse & valere, quàm eius potest populus. sige illius populi Principem, qui nullius imperij sit, proculdubio nihilo plus Regulus erit. I V R. Nō succurrit quid ob-

stet. P H I. Quisque suis paret legibus, & auctōritati populi, & imperio, quo leges cōstituit: & per hoc suis se legibus subiicere non est impossibile, ut dicebat. T H E. Chrysostomus ad Hebræos: Non homo est, inquit, qui ligat, sed Christus, qui hanc potestatem dedit, & dominos fecit homines tanti honoris. unde plane deducitur, Quæ decernit Papa, potestatem Christi statui; eiusque decreta, Christi intelligi. H I S.

Siquid iniuste Papa cōstituit, ista ratione Christus constitueret. T H E. Nullius mali auctōr est Deus, neque esse potest, ligatque Papa, clauæ non errante. P H I. Si accurate quæ supradicta sunt perpendimus, liquet maius ipso Principe, quod esse diximus in Ciuitate, non esse magistratum aliquem, sed populum ipsum vniuersum simul, eiusque imperium, licet singuli inferiores sint

ciues, & vi huius potestatis, quæ maior est ipso Principe, Leges principales constitui: & quia leges Principis populi imperio constant, planum fit maioris auctoritatis esse ipso principatu, sicut reliquis magistratibus leges constituentibus. Nimirum igitur si suis subiicitur legibus, non quasi suis, sed vniuersi populi, cuius auctoritate sunt constitutæ, ac vigent. hinc est, quòd mortuo Principe, leges non intereunt, quia non interit populus, cuius auctoritate viuunt. Legimus, exactis Regibus, eorundem leges veneratas: neque mirum videri debet, quum non eadem auctoritas atque potestas sit Principis, siue principatus, vt sepe diximus, cum illa, qua Princeps est, veluti non eadem persona est Ciuitatis, & Principis, pariter non eadem persona est populi constituentis, & constituti Principis: & veluti non idem sunt causa efficiens & effectum, æque non est eadem actio efficientis & effecti. & propterea haud ineleganter ait Cicero in Officiis, Magistratus gerere personam & dignitatem Ciuitatis. Nam in eo, quòd personam ciuitatis agit, nomine & iure Ciuitatis agit. Ita quod non ipse, sed persona scilicet Ciuitatis, quam gerit, dicitur constituere. exue personam Ciuitatis, & nihil efficiet. & ideo si ei personæ, quam geris, se subiicit, non sibi, sed personæ se subiicit Ciuitatis, aut ipsi Ci-

uitati. I V R. Si ista persona est principatus, cui se subiicit, nonne ipsemet se subiicit principatui? exuta enim persona illa, Princeps non erit. Ideo est Princeps, quia personam induit Ciuitatis. P H I. Princeps, & principatus non idem sunt: ut corporeum, & incorporeū; quāuis Princeps sine principatu, ac populo nō sit, neque Princeps ipsa Ciuitas, neque persona ciuitatis. gerere enim ciuitatis personam, ait Cicero: qui gerit, & id ipsum quod geritur eadem esse non possūt. & sicut diuersa sunt Princeps, & Ciuitas, exque persona Ciuitatis, quae ab eo geritur, ut quid personā Ciuitatis agere dicitur, nisi quod quicquid *dicitur* sub ea persona sit, ipsa Ciuitas agere dicatur. Si ergo ex persona Ciuitatis agit, non ipse magis agere, quā ciuitas videri potest. I V R. Principis igitur constitutiones, non Principis, sed populi essent, quomodo dicuntur Principis, si populi sunt? P H I. Quia se ministro, ut Iulia de adulteriis, Cornelia de falsis, & similes. Dic age, qui negotium mādāt, & qui suscipit, sunt idem? I V R. Minime P H I. Qui mandatum exequitur, cuius personā gerit? I V R. Mandātis. P H I. Persona, quam gerit, cuiusmodi est? Se maior, an contra? I V R. Ipso quidem mandatario maior. P H I. Mandatum suscipiendo, mandanti se subiicere quodammodo videtur. I V R. Mihi

persuadeo. P H I. *Negotium, quod sic geritur, an geri dicitur à mandante, an mandatario, an ab utroque?* I V R. *Ab utroque.* P H I. *Æque ab utroque?* I V R. *Nequaquam: Mandans quidem, ut maior: Mandatarius, ut minister.* P H I. *Qui mandatum ergo accipit minister quidam est eius qui mandat: & in quo minister est, personam gerit mandantis: & qui mādāt, eius ministerio utitur.* I V R. *Hæc quæstio à nostris Doctõribus diligẽter tractata est, Vtrũ mandans verè agere dicatur.* P H I. *Quæ tandẽ decisio?* I V R. *Vt verè. & propterea, mandans homicidium homicida est.* P H I. *Ista ratione, qui à populo principatum suscipit nonne ciuitatis mandato suscipit?* I V R. *Profecto.* P H I. *Consequens fit, sicut Mandatarius inferior est & minister eius qui mandat, æque Principem ministrum quendam ciuitatis esse; ac per hoc quicquid Princeps agit ipsa verè Ciuitas agere videtur. si leges condit, leges Ciuitatis sunt: & legibus ciuitatis subesse non inconuenit, neque impossibile est.* I V R. *Aduerte, Mandatarij exẽplum non ut reris, urget; quoniã Princeps cum imperio est.* P H I. *Cum imperio est, quoniam Ciuitas hoc ipsum mandat: non enim quæ imperij sunt, agere possent, nisi ciuitas demandasset.* I V R. *Possent hæc recipi, nisi Pop. Ro. omne ius*

suum, imperiū, ac potestatem in Principem trā-
stulisset. P H I. Sic recurris ad historiam, de qua
postea dicere cōuenimus. At nunc contenditur,
Vtrum possibile sit, Principē suis legibus ligari,
quod licet multis argumētis planum fecerimus,
cōfessione tua omnibus sit perspicuū. I V R. Quo
pactō? P H I. Eo ipso, quod Lege regia solutū di-
citis, mox intelligitur haud impossibile ligari,
alioquin supernacua fuisset lex, ut solutus esset,
qui non nisi liber esse posset assertrice natura.
I V R. Minime necessaria lex fuisset, nisi tollēde
dubitationis causa. P H I. Quae natura impossi-
bia sunt in dubitationē trahere stultorū est. I V R.
Videtur. P H I. Redeamus ad illud de Imperio
collato. dic Iuriscōsultissime, potuitne Pop. Ro.
plus iuris in Principē contulisse, quàm ipse ha-
beret? I V R. Minime. P H I. Fuit ne vnquam
Ro. Pop. ut suis non ligaretur legibus? I V R. Le-
gem sibi dicere non potest, à qua non queat di-
scedere. P H I. Non hoc interrogo, vtrum suas
queat abrogare leges; sed, antequam abroga-
rit, nunquid ligetur; sicut in ceteris passim ex-
perimur populis. I V R. Ligatur quatenus ve-
lit, verum pro non vinculo est quod haud
inuitum obstringit. P H I. Ridicula itaque
sunt tuo iudicio in ciuitatibus leges. I V R.
Ridicula vtique reticule sunt sepe numero,

licet eius natura sint, vt obstringant. P H I. Dic age obstringunt ne volentem, & interim quàm diu vult ligant? I V R. Profecto. P H I. Ergo natura non impossibile. Namque, naturalia vt infringi nequeunt, pariter quæ natura impossibilia sunt, nulla queunt humana ope fieri possibilia. I V R. Me fugit, adepol, quid dicam amplius: quinimmo Diuorum Alexandri, & Constantini rescripta, quibus vltro sese legibus submitserunt, & alligari velle ingenue protestantur. quod si factu fuisset impossibile, nugatorie rescripsissent. adde, quod idem Alexander Antichonio rescripsit, Ex imperfecto testamento Imperatorem capere non posse, sæpe constitutum esse. P H I. Capere non posse constitutum ait? I V R. Hac ipsamet verba Imperatoris sunt. P H I. Liquidissimum ergo est, Imperatoris etiam confessione, legibus inferiorẽ esse Principem. I V R. Videtur. H I S T. Audi quid iunior Plinius de Traiano dixerit: In nostris quoque simili religione ipse te legibus subiecisti Cæsar, quas nemo Principi scripsit. sed tu nihil amplius vis tibi licere, quàm nobis. P H I. Audite, quem in modum nos deuinciant leges, Ciceronis verba pro Aulo Cluentio: Lex vinculum est, inquit, huius Civitatis, qua fruimur in Rep. Hoc fundamētum libertatis, hic fons æquitatis, mens & animus,

& con-

& consilium, & sententia Ciuitatis posita est in legibus. ut corpora nostra sine mēte, sic Ciuitas, sine legibus, partibus & neruis ac sanguine & membris uti non potest. legum ministri Magistratus, legum interpretes Iudices, legum denique iccirco omnes serui sumus, ut liberi esse possimus. non enim Vinculum dixisset Cicero, nisi obligarent: neque legum Seruos appellasset, nisi in obedientia cōtinendi vim haberent. quæ quidem seruitus vera est libertas. Aristoteles in Rep. Seruitus non est, viuere ad formam Reip. sed salus. I V R. Plus in recessu quàm in fronte, hæc habent difficultatis: vereorque, ne pugnãtia contineant. quando Populus, siue Princeps suis ligatur legibus, duas necesse est personas sustineat, vnã Principis, alterã Subditi. Porro, ferendo leges, Principem agit: pariter & subditum induit, suis hisdem parendo legibus: præesse & subesse, imperare & obedire sibi simul ipsi natura non patitur. alia proculdubio opus est persona sit gubernantis, alia gubernati: neque ambigitur apud nos Populũ vnus vice defungi, vnũque corpus esse indiuiduum, ut noster declarat Baldus. T H E. Immo nihil est, quod magis homines deceat, quàm sibiipsis imperare & obedire. Brutorum sane numero habentur, qui appetitus non moderantur ac cohibent: ne-

que victoria gloriosa magis, quàm seipsum vincere. PHI. Ad philosophiam meam perlepidè me reuocatis, tranquillissimū diuerticulum, mos vobis gerendus est. Aliud est quod anima imperitet corpori, & appetitus obediat rationi: aliud est quod homo sibiip̄si imperet, atque obediat. primum à natura; hoc alterum impossibile. Aristoteles primo de Rep. Animal constat anima & corpore, quorum alterum imperat secundum naturam, alterum paret. quod multo elegantius expressit Salūstius, dicens: Anima imperio, Corporis seruitio magis vtimur: quorum alterum nobis cum Diis, alterum cum belluis commune est. inter quæ colluctatio quidem non modica. THE. Apostolus ait: Sentio legem aliam in membris meis repugnantem legi mentis meæ. PHI. Si vna ergo pars hominis imperat, altera obtemperat, quæ inter se distinguuntur, non homo animæ imperio subigitur, sed vtitur. Illa enim argumentatio de parte ad partem est, non de toto ad seipsum. & quamuis anima, & corpore constet homo, non tamen est anima, neque corpus; sed quiddam ex utroque cōmixtum: neque anima per se, neque corpus aliquid dēducit ad actum. sed solum hoc compactum, idest homo. unde quicquid ratio aut stultitia dicat, & corporis ministerio impletur, non alius est qui

agit & facit, quàm ipse totus homo. sapientissimè iccirco Salustius dixit: Anima imperio, & corporis seruitio utimur. Compositi enim actiones esse dicimus, non partium. I V R. Hinc perpulchre noster tractat Bartolus, quod quæ facit populus, non faciunt singuli: & quæ singuli faciunt, non facit populus. P H I. Patet igitur impossibile esse, hominẽ sibi met præesse & subesse, veluti unumquodque aliud ens impatiẽs est simul plurium repugnantium. de qua re Platonis iij de Rep. velim audiatis verba: Ridiculum est, inquit, quod quid seipso potentius nuncupetur. quisquis enim se ipso potentior, se ipso imbecillior erit: rursusque, qui imbecillior, potentior. atqui id vult hic sermo, quod in hominis anima duo quedã sunt, unum quidem melius, alterum vero deterius: & quando quid natura melius deteriori dominatur, tunc aliquis se potentior dicitur, & hoc sermone laudatur. Haud incommode digressi sumus. I V R. Atqui perin-cunde, ac sapienter. P H I. Ut ad me redeam: ligatur autem populus suis legibus, quasi pactis conuentis, quæ veræ sunt leges. Effare quæso Iuris antistes: quid est consuetudo? I V R. Tacita quadam civium conuentio. P H I. Quid lex? I V R. Expressa civium conuentio. P H I. Quid ipsa conuentio? I V R. Placitus plurium

in idem consensus. P H I. Lex ergo inter ipsos
 ciues pactio quadam est, si placitus ciuium con-
 sensus est. I V R. Atqui pactio strictissime sti-
 pulata, postquam, interrogante magistratu, &
 vniuerso sciscente populo, conficitur: quinimmo
 nulla sollennior stipulatio, quam quæ vniuerso
 stipulante populo celebratur: sicuti testamentum
 coram Principe nuncupatum sollennissimum
 consistemur. P H I. Patet itaque, veluti nouum
 non est homines pactioibus sese deuincire in-
 uicem, æque & populum. Nec ad rem, quòd po-
 pulus vna interdum censeatur persona: quoniam,
 ut sicte vna, ita vere populus non aliud est,
 quàm quadam hominum multitudo. I V R. Si-
 militer & Bartolus apud nos definiuit, Vniuer-
 sitatem hominum scholariùmue non aliud esse,
 quàm homines vniuersos ac scholares ipsos.
 P H I. Licet in vnum corpus coeant, tamẽ plu-
 res sunt numero: alij saniores, alij stultiores. di-
 strahiturque populus in has partes; vt de homi-
 ne pauloante disseruimus. Typum sane tenent
 corporis stulti; anima vero, sapientes: sicut con-
 tra naturam est, insaniior pars hominis præua-
 leat saniori; pariter in ciuitate stultiores, si non
 obtemperent sanioribus: tunc, vt in homine per-
 turbationes, æque in ciuitatibus tumultus & se-
 ditiones erumpunt, ac debacchantur: nec sibi

ipsis obediunt, ut dicebas, populi, sed legibus. legum seruos vocat Cicero. Seruitus, quae hominibus impenditur, vera est seruitus: quae nostris legibus, libertas, quod ab hominum seruitio vendicat: siquidem quidam non male sentiunt, legem recte positam Dei donum esse. I V R. Ut Martianus in libris Digestorum, auctore Demosthene: Qui bonis legibus optemperant, Deo optemperant. P H I. Plato: Qui legibus seruit, Diis ipsis seruit. T H E. Aquinas noster, Iustas leges vim habere à lege aeterna asserit, ac probat illo prouerbio: Per me Reges regnant, & legum conditores iusta decernunt. hincq; concludit, iustis legibus ligari Reges. P H I. Quo fit, non bene definiisse illos, dicentes, Qui legibus suis obediunt, sibi ipsis obedire. nam imperio rationis obeditur, quae à Deo est; & secundum Pythagoricos, Dei est imago. T H E. Moyses: Faciamus hominem ad imaginem & similitudinem nostram. P H I. Præterea, ut à diffinitione quaestio dirimatur, ediffere quid est Ciuitas. I V R. Quae Episcopum habet. P H I. Magis est, quod Episcopus non sit sine ciuitate. celeberrimae quidem apud Maumetanos numerantur Vrbes. I V R. Quidam adiiciunt, Quae muris cingitur. P H I. Desertus isto modo locus, muris cinctus, foret ciuitas. cæterum ubiq; oppidula videmus mul-

ta, ac villulas validissimis cinctas muris, & Episcopis obedientes. I V R. Alij, authore Isidoro, dicunt, hominum multitudinem, societatis vinculo adunatam, simul viuendi causa. P H I. Prædonum multitudo, ista ratione sociata, civilem populum constitueret. melius ergo Cicero in Rep. definiuit, Cætum hominum, iuris consensu & utilitatis communione sociatum. Iuris consensu ait, ad excludendos prædones & reliquos, qui ad aliorum iniuriam sociantur. T H E. Huius diffinitionis meminit Aur. Augustinus ij, & xix Ciuitatis Dei. P H I. Absolutius Arist. in Politicis definit, Ciuitatem nihil aliud esse, quàm civilem quandã societatem, simul, ac bene viuendi gratia constitutam. T H E. Neque diuersum sensit Cicero illis verbis, Iuris consensu, ut idem interpretatur Augustinus: iniustus quippe consensus foret, si male viuendi gratia iniretur. P H I. Si nihil aliud est Ciuitas, quàm civilis quedam societas, contrahiturne societas ulla sine pactionibus? I V R. Non utique, nisi tacitis aut expressis. P H I. Pactiones huiusmodi nonne recte societatis leges dicuntur? I V R. Non dubium: verum, quid ad populũ, qui nequit sibi met obligari? P H I. Neq; Societas sibi met obligatur, sed ipsi inter se socij. dic quaeso, est ne societas antequã ineatur? I V R. Nulla prorsus. P H I.

Iniri ne potest antequam socij de conditionibus conueniant? I V R. Minime. P H I. Nonne cōueniunt, sese inuicem placitis obstringendo? I V R. Proculdubio. P H I. Ad esse ergo societatis pāctio- nes requirūtur, quæ leges dicūtur. I V R. Necessa- rio. P H I. Ergo ad esse Ciuitatis leges sunt neces- saria. I V R. Tam pernecessaria, quod Ciuitas sine legib⁹ stare nullo pācto potest. P H I. Si necessariae sunt, ligādi iccirco vim habeāt oportet, alioquin sicut Societas, sic Ciuitas dissoluetur, si legibus non obtēperatur. I V R. Illico dissoluatur oportet. P H I. Et propterea, quamuis societas ipsa, ac populus sibimet obligari non possit, non sequitur, in contrahenda ac gubernanda societa- te, nequeant socij & ciues sese inuicem deuinci- re: & Præfectis, Rectoribus, & Magistratibus leges præscribi: ex quibus fit, sicut pāctum in societate negotiali, ita lex in ciuili ordinatio est, ac conseruatio ciuitatis. Arist. vij de Rep. Lex est igitur ordinatio quædam: & igitur bona lex, bona ordinatio. & alibi: Ius ordinatio ci- uilis societatis est: Indicatio, iusti iudicium. Plato in legibus: Lex est rationalis quædam re- gula, certo ordine ad bonum ciues perducens. THE. Similiter Aquinas noster: Lex est, inquit, ordinatio quædam secundum rationem de-con- ferentibus ad finem politia. P H I. Manifestum

40 MARIVS SALAMONIVS
itaque est, *populum suis legibus ligari.* IV R.
Apprime. PHI. *Et per hoc populi non esse Ro-*
mani, ut suis legibus ligari nequeat: quo fit, id
iuris in Principem transferre nequisse, ut suis
ligari legibus non valeret. IV R. *Alia sane Prin-*
cipis videtur ratio, quod una vere supereminēs
omnibus persona sit, aliisque leges imponens.
PHI. *Hoc ipsum scrutemur.* IV R. *Operapre-*
tium est. PHI. *Pater fam. nonne eiusdem do-*
mus Princeps est, cuius est pater? IV R. *Quid-*
ni? PHI. *Et vnus eorum qui in domo sunt, &*
ipsiusmet pars. IV R. *Etiam.* PHI. *Similiter*
& nauis gubernator vnus eorum est qui in nauē
sunt, eiusdem quāuis nauis sit Princeps. IV R.
Dubioprocul. PHI. *Sic Princeps est vnus eo-*
rum qui in Ciuitate sunt ciues, & pars Ciuita-
tis. IV R. *Sed alio quidem pacto.* PHI. *Atten-*
de. caput quāuis omnium membrorum Princeps
sit, quin membrum ac pars corporis existat ne-
gari non potest. IV R. *Vera narras.* PHI. *Aequē*
Princeps, quāuis potior in ciuitate sit, non pro-
pterea desinit ciuis esse, atq; ciuitatis pars. Si igi-
tur Princeps ciuis est, ac ciuitatis pars, consenta-
neū est hisdē ligetur legibus, quibus ceteri ciues,
& reliquæ ciuitatis partes; id est suum totū: hoc
enim toto ciuitatis corpore cōtinetur etiā Prin-
ceps, ut pars totius. IV R. *Vera narras. Nā Caius*

I. C. legitur respondisse, Familia appellatione etiam Principem contineri: & Monachorum numero Abbatem contineri non est qui ambigat. PHI. Et propter hoc non potest diuersi iuris censerī. nulla namque pars potior esse potest suo toto. sit licet una pars altera melior, quaeque suo fungitur munere ac prerogatiuis; ut in corpore ipso videmus omnia membra non eundem actum habere, sed opere & potentia distingui; & ideo nobilitate & principatu, ut Caput. Principatus enim diuersam speciem non facit, quamuis non eadem sit dignitatis qualitas. assumitur autem Princeps ad gubernationem civilis societatis: & ideo sunt leges, quibus utitur Princeps ad Deorum, & populi maiestatem conseruandam, atque imperium exercendum. sunt etiam leges, quibus utitur ut Priuatus. I V R. Hæc diualibus Constitutionibus eadem explicata habemus. PHI. Præterea, ut inductionibus Platonicis & Aristotelicis confirmemus, veluti omnium membrorum, & præcipue capitatis unum est opus, scilicet incolumitas & cōseruatio: omnium item nauigantium, & gubernatoris in primis, unum salutis opus; eque omnium qui in ciuitate sunt, & quammaxime Principis, unum opus, scilicet Iustum, quod in communi utilitate versatur. at quorum unus & idem

est finis, eadem sint actiones oportet. congruentia autem media ad bonum politicum sola sunt leges. iisdem ergo utetur legibus Princeps, ac ciues ceteri, quae ducunt ad finem: Princeps, ut nauis gubernator: ciues, ut nauta. diuersitate autem officiorum, legum distinguitur usus. Postremo socius sociali negotiationi praepositus, nunquid ob id, quod praepositus est, desinit esse socius? I V R. Minime. P H I. Et socialibus legibus solutus? I V R. Absit. P H I. Cur non idem in ciuili societate dicendum? Aut enim certa praeficitur lege, & illa tenetur, quam in Principe regiam vocamus: aut nulla dicta lege, & illa proculdubio tenetur, ut nihil omittat eorū, quae ad communem pertinent utilitatem: etiam si libera administratio concessa esset, illa saltem ligatur, ut, arbitrio boni viri, quae communiter utilia sunt non negligat. I V R. Non semper socij communi negotiationi praeficiuntur. H I S. Post Romulum, ē Sabinis Numa in regnum accitus proditur. P H I. Principes institoribus isto modo equatis. I V R. Reges non sunt institores, sed domini. P H I. Ergo socium societati ciuili praefectum in dominū assumi creditis. inaequalitas conditionum societates disrumpit: mox enim quod aduena in Principem susceptus est, in ciuilem societatem receptus intelligitur cum

potestate imperij exercendi ad communem utilitatem. à regēdo Reges, non à regnando dicti sunt. THE. Sic definit Aur. Augustinus, De civitate Dei. PHI. Hactenus satis multa percurrimus, ut ostenderemus, non impossibile Principes suis ligari legibus: de qua re medius fidius pertinacia magis quam ratione pugnatis, aut quorundam Imperatorum vobis blandientium verbis, dum se legibus solutos iactitant, suaque dūtaxat benignitate obstringi, quasi Imperialis beneficentiae, non officij sit, tyrannides non exercere. nam quotidie palpitatis, Principes suis parere legibus. HIST. Vnum velim semper excipiat, qui nihil unquam ratum habuit, nisi sibi commodum praesentiret. PHI. Et tu, & ipse, ac vulgus censetis commodum, quod semper vere fuit & sibi, & aliis incommodissimū. quid enim commodi afferre potest, quod Principatus honore priuat, atque penitus humanitate? Hi sunt homines, quos Poetarum sales lupos factos modulantur: reiecta hominis dignatione brutalem vitam viuunt. IVR. Experimur quidē Principes legibus parere benignitate naturae, non legis necessitate. PHI. Tametsi temperatis viris lex Deus sit, ut ad amicos Dionis scribit Plato; nihilominus Principes legibus & obedire & ligari quotidie legimus & videmus. quod breui-

ter explicabo, modo ad interrogata respondeas, & ingenue veritatem agnoueris. I V R. Respondebo, ut petis, audisissimeque auscultabo. P H I. Satis constitit inter nos, secundum leges Reges viuere, Tyrannos, secus. I V R. Profecto. diuus enim Alexâder ad Antigonom rescripsit, Nihil tam proprium imperij esse, quam legibus viuere. T H E. Confirmatus est Aquinatis aucteritate, nisi vobis excidit memoria, dicentis, oportere in ciuitate Principē habere regulam, per quam dirigatur in operationibus, & dirigat alios, & per quam iudicet. hoc autem sit per legem. P H I. Secundum quas ergo viuunt leges? I V R. Ciuitatis, & diuinas & humanas. P H I. De diuinis, & humanis nulla contentio. Dic igitur, secundum leges suas ipsius Principis, an populi? I V R. Nihil refert suae, vel populi; modo sint iustae. P H I. Si secundum suas viuunt leges, nonne suis obedit legibus? si populi, popularibus similiter obedit legibus. I V R. Viuit secundum eas, non ut obediens, sed custos & cogens alios obedire; ipse vero supra leges est, nutu suo omnia gubernans. P H I. Dic amice, iustus & iniustus nonne sic definitur aliquis, quod, qui secundum leges viuunt, sit iustus; qui contra, sit iniustus? I V R. Proculdubio. P H I. Princeps, contra leges faciens, sic erit iniustus. I V R. Mi-

nime, quoniam non sibi, sed aliis dicta est lex.

PHI. Iustus nonne dicitur ab eo, quod iusta facit? ex diuerso, iniustus, faciens iniusta? IVR.

Quis ambigit? PHI. Finge, Principem fortiter facienti vel quid aliud, lege premium proposuisse, & ex contrario, certam pœnam facienti vel non facienti quippiam; poterit ne Princeps merenti iure negare premium? & similiter contra legem facienti alias quàm scriptas iure prerogare pœnas? IVR. Non utique. PHI.

Vt quid istud? IVR. Quoniam secundum legem à se dictam iudicare debet. PHI. Et si aliter facit, an iniuste facit? IVR. Utique non iniuste facit. PHI. Nonne propterea Princeps est iniustus? IVR. Videtur. PHI. Et non ob aliud, nisi quod suis non obediuit legibus. IVR.

Sic arbitror. PHI. Lege igitur sua ligatur Princeps. IVR. Fateri conuenit. nam ex imperfecto testamento etiam Imperatorem capere inhibitum est; si capit, iniuste capit; si non capit, legi obsequitur: nec quisquam Princeps proditur huic legi, & aliis huiusce generis non obtemperasse.

P H I .



V I D E R E *videor his dictis vix animum assentiri tuum, quãuis nihil repugnare intelligas. quid si monstrarem, Principem aut nullis, aut perpaucis solutum legibus, hisque arctius stringi, quàm alius quis privatus? I V R. Incredibilia polliceris. P H I. Plenius præstabo, quàm polliceor. I V R. Nihil avidius discerem. quid expectas? P H I. Responde igitur. qui finis est Principatus? I V R. Populum suis legibus continere, regnum propagare, tueri, stabilire, & quantum in eo erit, ad nepotes, trinepotésque transmittere; & in summa nihil eorum, quæ ad eam rem pertinent, præterire. P H I. Qui Tyrannidis finis? I V R. Non dissimilis. P H I. Tyrãnis igitur & Principatus sunt idem? I V R. Non idem, sed similes. P H I. Quomodo similes? an quia uterque bonus, an quia uterque malus? I V R. Similitudo est à natura, ut in cæteris rebus, quæ sponte sua student conseruationi & perpetuitati suiipsius.*

PHI. *Quomodo ergo non idem? I V R. Quoniam non eodem gradiuntur calle, ut eleganter Salluſtius ait: Bonus, & ignauus aequè gloriam ſibi exoptat. ille vera via nititur: is, cui bonæ artes deſunt, dolis & fallaciis. Talis itaque ſimilitudo eſt, & diſſimilitudo inter Principem & Tyrannum.* PHI. *Si idem vtriuſque eſt finis, proculdubio eadem ſint aëtionēs oportet, quæ ducunt ad finem: & ideo, aut vtriuſque bonus, aut vtriuſque malus eſt finis: & quia, ut in prouerbiis receptum traditur, Cuius finis bonus eſt, ipſum quoque bonum eſſe, conſequens fit, Si bonus vtriuſque finis, utique Tyrannus bonum quiddam eſt: ſi vtriuſque malus eſt, Principatus quid malum ſit, eſt neceſſe. & tamen nemini inexploratũ liquet, ſicuti Tyrannis res peſſima eſt & inimica naturæ, ſic Principatum inter bona adnumerari. Bonus, & ignauus aequè gloriam ſibi exoptat, non aequè tamen aſſequitur. ſalis adepol plena ſunt verba, & alterius quidẽ vim philoſophiæ ſpectat. nam acriter apud philoſophantes agitatur quaſtio, Vtrum voluntaria ſint peccata, quum nemo propter ipſa peccet, niſi impudens. dicebat Plato, Neminẽ ut ſponte egrotum, ita neque vitioſum. nam, ut humorum intemperies corporis morbus eſt; aequè animi egritudinem nihil aliud eſſe, quàm intem-*

periem quandam mentis. perturbatis sensibus,
 nō gustus, neque iudicium constat ullū. HIST.
 Amicus ergo ille noster, cuius mens semper in-
 quieta, turbida, procellosa, non volens ebrio-
 sus est, cinedosus, incommodosus. auscul-
 tate facerem facetiam. Nonnulli in Capitolio
 conueneramus, inter quos Baptista Paulinus, in
 Iuris sciētia & aduocatione clarissimus, & suo
 Apuleio nasutior: Camillus, Patronorum opti-
 mus, & percandidus Poëta: Hippolitus Saxius,
 volucris & arguti ingenij, Mathematicę & Geo-
 graphia peritissimus. quūmq̃ coissemus in co-
 ronam, & in sermonem de vita illius incidisse-
 mus, aduenit aulicus Imolen. quidam, vir im-
 pudentiſſimus, temerarius, importunus, loquax:
 Cūmq̃ è nostris vnus libere, vt in libera ciui-
 tate solet, & parce tamen ac verecunde quedam
 minus decora protulisset; tum aulicus ille qua-
 dam adiecit lasciuiora: Verum hominem defen-
 debat bona mentis esse, crapulas & venerea in-
 ter turpia non ducere. Tum Saxius: quid si tur-
 pia existimaret? respōdit ille: abstineret utique.
 Camillus cachinno irrisit. ad hæc Paulinus: si
 isthæc impeccantia est, dispereant qui nos tam
 sciolos fecerunt. THE. O blatteronis stultitiam:
 qui, sic excusando, acrius hominem incusabat.
 HIST. quo pacto? THE. quia hæresis est, non
 impru-

imprudētia, turpia ducere non turpia. PHI. At qui illas duas gustādi, cocundiq; voluptates ideo infames supra ceteras Sapiētes nostri detestātur, quod cum asino. sue, & reliquis bestiiis sunt communes; à quibus ut vultu & animo distamus, sic & consuetudine nō differre sœdisimū, & ab homine omnino alienum arbitrātur. Verum de finibus Principatus, & Tyrannidis nostra nunc contentio est; quæ ut planius dirimatur, diffinitiones si placet scrutemur. I V R. Operæ pretium videtur. PHI. Ab eo ducantur oportet, quod in his potissimum existit, & ab aliorum communione seiunctum est. I V R. Prorsus. PHI. Verum isthac inquisitio litigiosa magis, quàm necessaria videtur. I V R. Quapropter PHI. Quoniam explosa illorum opinio est, cōtendentium, Iustum esse quicquid potētiori suo Principi placet, vel utile est, & alia his similia. at nunc, Sapientum traditionibus illustrata ac in perspicuo posita, vera non ignoratur. diffinitio: quorum sola auctoritate contenti esse debemus. I V R. Atqui si singula persequi volumus, & à Sapiētib; plane digesta in quæstionem reuocare, multaque quæ supersunt, haud minus utilia, excutere, prius nos dies deficiet; & re vel infecta, aut melioribus neglectis, discedemus. T H E. Importunum, atque nimis arrogans so-

ret, sapientum auctoritatibus non acquiescere, quorum lucubrationibus tantum debemus, quantum agri sanitatem, caci lucem restituentibus. omnium bonarum artium ignari in tenebris ambularemus, victumque ferino viveremus, nisi tales viri nos praecessissent. quid igitur definitum sit ab his breuiter explica. P H I. Si patienter auscultabitis, aures & sensus omnes implebo vestros. I V R. Utinam. P H I. Principatus, omnium consensu, iusta est ad populi utilitatem gubernatio, praua autem gubernatio, Tyrannis. Adeo inter se pugnantia sunt haec duo, ut vnius cognitione alterum non ignoretur. & verum sit hoc proloquium de qualibet gubernatione, quod aut Principatus sit, aut Tyrannis. Tyrannus itaque non alius diffinitur, quam iniustus Princeps: & Princeps, qui iuste regnat. Iuste autem, quod iure Principatum ineat & administret: contra, iniuste, altero de duobus modis, aut quod non legitime Principatum inierit. T H E. Iuxta illud Saluatoris nostri, Qui non intrat per ostium fur est & latro. P H I. Aut, quod in administranda iustitia deficiat. unde sit, isto iure qui natus sit Principatum, nisi iuste moderetur, de solio Regiae celsitudinis famosam extemplo decidat in Tyrannidem. T H E. Vere ergo August. iiij. Ciuitatis Dei inquit: Remota Iustitia quid

sunt regna, nisi magna latrocinia? P H I. Iustitiam autem Principatus non aliunde metimur, quàm à vera religione & communi utilitate: & hic finis optimus, propter quem Principatus est institutus, ut dilucide Socrates apud Platonem primo & secundo de Rep. subtiliterq; disputat. Quàm vero necessarium sit studium obseruandæ religionis, sine qua Deus non propitiatur, inde liquet, quòd sine propitiati Dei auxilio Resp. male administratur. primo, & quarto De legibus: Sicut pecora, inquit, non à pecoribus, sed alio meliore se genere, ut pastore homine, reguntur: sic homines ab homine, sine duce Deo, male gubernantur. ubi non Deus, sed mortalis aliquis dominatur, nulla unquam malorum laborumque futura est quies. T H E. Non Platonica, sed Davidica hæc mihi videtur. quid enim ab illo discrepant? Nisi dominus edificauerit domum, in vanum laborauerunt qui edificant eam: nisi Dominus custodierit ciuitatem, frustra vigilat qui custodit eam. P H I. Quod autem iustum à communi p̄deat utilitate, Arist. ij. Politicorum: In cunctis scientiis & artibus finis est bonum, ciuile autem bonum, id est communis utilitas. Et quale erga Remp. Principis officium esse debeat, Plato primo De rep. describit verbis his: Neque alius ullus in aliquo Prin-

cipatu & facultate imperans, quatenus Princeps est, quod sibi conferat cogitat aut precipit, sed quod subiectis conducatur; & quae dicit quaeq; facit, cuncta ad illius utilitatē & decorē dicit ac facit. quod elegantius in Officiis transtulit Cicero: Ut enim tutela, inquit, sic procuratio Reip. ad utilitatē eorū, qui cōmissi sunt, non ad eorū, quibus commissa est, gerenda est. I V R. Adici- te haec Imperatoris Iustiniiani verba: Imperialis, inquit, benevolentia hoc esse iudicantes, ut omni tempore subiectorum commoda tam inue- stigare, quam eis mederi procuremus: quae om- nia per quā breuissime ac dogmatice comple- xus est nostrer Baldus, dicens: Principatus, sicut Iustitia, ad alium est. P H I. Quoniam Princi- patuum, ac Tyrannidum plures sunt species, in quibus falli verendum ac detestabile est. igitur Aristotelem, si placet, more suo dilucide ac subtiliter distinguentem audiamus: Quando vnus, inquit, vel pauci, vel multi communem utilitatem in gubernatione sequuntur, has esse rectas Rerumpub. species necesse est. quādo autē ad propriam utilitatē, vel vnus, vel paucorū, vel multitudinis gubernatur, transgressiones sunt & labe. Vocare autem consuevimus, cum vnus, ad utilitatē communē respiciens, guber- nat, Regiā potestatē. cum vero pauci optimatū;

vel quia optimi sunt, vel quia ad optimū statū Ciuitatis gubernant. cum autem multitudo gubernat ad communem utilitatem, Resp. communi nomine vocatur. Labūtur autem & trāsgrediuntur huiusmodi species, ex Regia in Tyrānidem, ex Optimatibus in Paucorum potentiam, ex Rep. in Popularem statum. Tyrannidem dicimus dominatum vnius, tantum ad proprium commodum intendentis: Paucorum potentiam, ad opulentorum commodum gubernantem: Popularem statum, ad commodum egenorum. harum enim nulla ad communem utilitatē respicit. HIST. Aristotelicis verbis palā sit qualis sit ventosus illorū contra vniversam Remp. status, in quo solis quibusdam familiis reliquus sine honore seruit populus. quæ quidē Tyrannis eo perniciosior est, quo intolerabilius est à Tyrānis pluribus, quā vnō premi. PHI. Manifestum itaque est, Principis proprium esse vndequaque communi utilitati intendere, & id ipsum, vt summum bonum, appetere; hoc est, non solum sollicitari ad finem dirigentibus, sed à sine abducentibus, idest publice utilitati summo opere procurare & facere; & ab his, quæ populo nocitura sunt, precauere; nihilque ipsi communitati noxium statuere. IVR. Quid si statuat, iubeatue? PHI. Impune non obtempe-

rabitur. THE. Hac est Aurelij Augustini sententia lib. Confess. dicentis: Regi, si non est contra societatem Ciuitatis, obtemperatur. PHI. Ex quibus plane conficitur, illis omnibus Principem ligari legibus, quibus communis utilitas continetur. que lex quam latissime pateat, quamque arctius obstringat, casuum varietates consideranti cuique facile succurret. Hinc etiam efficitur, Principem omnibus suis legibus teneri: & hoc amplius in arbitrio eius non esse, leges recte positas sine iustiori causa abrogare. IVR. Deliras, aut iocaris. PHI. Serio, & plusquam serio loquor. IVR. Inaudita dicis. PHI. Atqui verissima, ac probatissima. IVR. Aperi nobis obsecro isthac miracula. PHI. Dic amice, quas leges ferre debet Princeps? IVR. Varij varia senserunt. quidam, quas volet: alij, sibi utiles, id est, ad regni stabilitatem conducibiles: alij, communem utilitatem respicientes: hocque iure utimur, recepta Isidori definitione, cuius verba sunt hæc: Erit autem lex honesta, iusta, possibilis, secundum naturam, & secundum consuetudinem patriæ, loco temporisque conueniens, necessaria, & utilis, manifesta quoque, nec aliquid per obscuritatem incautum captione continens, nullo privato commodo, sed pro communi civium utilitate conscripta. PHI. Prima

dua opiniones tyrannicae sunt. nam verus Princeps Principatum ponit quotiens communitati viderit expedire. THE. N edum Principatum, verum etiam animã ponere, id est vitam, Salvator docet. PHI. Tertia vero, omnibus enarratis partibus, plena descriptio est, quamuis unico Iusti verbo hæc omnia contineantur. non enim iusta lex esset, si non honesta, si ipsi naturæ moribusque ciuitatis incongrua, inutilis, captiosa, priuati cõmodi siue Principis siue alterius, non autem vniuersorum Ciuum gratia. præclare iccirco Plato: Neque censemus, ait, rectas esse eas leges, quæ non sunt communiter totius ciuitatis gratia posita. THE. Eodẽ modo defendit Aquinas noster, dicens: Iniusta lex est, quando Princeps in suam, & non in communem fert utilitatem. item quando non distribuit æque onera, vel honores ad bonum commune. PHI. Audaẽter itaque, Vir sapientissime, cõcludamus oportet, si quidem iustæ sunt leges, quæ communitati prospiciunt, & alias quàm iustas Princeps scribere non potest, alias ergo, quàm communitati utiles, ferre non posse: & sicut communis utilitas ferendarum legum causa est, tollendarum similiter diuersa non sit causa est necesse. desereret enim communem utilitatem Princeps; quod contrariũ esse in Officiis exclamat Cicero, abro-

gando Reip. leges utiles vel necessarias. quo fit, tales leges tollere, nisi aliud iustius exposcat, non possit Princeps. I V R. Hoc idem in nostris legibus ex sententia Vlpiani cautum nunc intelligo, De cōstitutionibus Principum dicens: In rebus novis cōstituendis evidens utilitas esse debet, ut recedatur ab eo iure, quod diu equum visum fuit. T H E. Aquinas, Hoc solum, inquit, esse debet in mutandis legibus, ut maxime evidentissima utilitas ex novo statuto proveniat. P H I. Sic illis, iisdemque suis arētissime illigari legibus suadet ratio humanitatis. T H E. Iustis proculdubio legibus ligari Reges Aquinas defendit ex illo, Per me legum conditores iusta decernunt. P H I. Patere legem; ille ait, quam ipse tuleris. T H E. Et divina vox in Euāgelio: Quaecunque vultis faciant homines vobis, eadem & vos faciatis. ministri enim Dei sunt in bonum, ad Romanos scribit Apostolus. &, Illo iudicio, quo iudicatis, iudicabimini. &, Qua mensura dimensi eritis, eadem remetietur vobis. I V R. Prætor edixit, Quod quisque iuris in alium statuerit, ipse eodem iure utatur. P H I. Suadet etiam equalitas societatis civilis, ut satis abunde mox disseruimus. T H E. Considera ne his obīet illud Apostoli: Omnis potestas à Deo est. H I S T. Imperium Romanum nimirū

à Deo est; quoniã non vnius ciuitatis, sed vniuersi orbis fuit Resp. Nec propterea Princeps Romanus à Deo est, quòd Imperium Romanum à Deo fuerit; alioquin omnes Principes optimi fuissent. sed à Populo Romano constitutus non ignoratur. PHI. Siue à Deo, siue ab hominibus Romanus sit Princeps, nolite existimare à Deo creatum mundum, & in eo homines, vt Principum seruirent emolumentis. absurdum quidem supraquam dici potest, propter Principes factos homines opinari: nam liberos, atq; aequales nos Deus genuit; Principes solum ad commoda populorum, quo facilius humanam atque ciuilem societatem innocent er custodirent, mutuis inter se beneficiis iuuantes. Sunt autem nonnulli natura subditi, id est quibus utile est vt impere- tur; vti liberis à parentibus, iuuenibus à senio- ribus, stultis à prudentioribus, ignobilibus à ge- nerosis; & his, non seruitutis iugo, sed charita- tis complexu, & quãdiu ipsis conducere intelli- geretur; vti eis, qui propter atates vel quid aliud, rebus suis superesse non possunt, velut pro- digi, mente capti, & similes. THE. Hunc locũ perpulchre tractat Aurelius August. xvij. Ci- uitatis Dei, ex Rep. Ciceronis. PHI. Hic incidit haud illepidã inquisitio. I V R. Quenam? PHI. Quousque scilicet communem vtilitatem pro-

curaturus sit Princeps. & hac in alias multas diuiditur, quas vereor ne fastidiosum sit prosequi. I V R. Mibi & aliis, ni fallor, plus quàm gratiosum nõ dubites. T H E. Non falleris; res sunt auditione digna. P H I. Primum diuiditur in eas quæstiones: Vtrum ita communem sequatur utilitatem, vt sua anteponat, etiam ingruentibus vtrinq; necessitatibus. item: An eadem sit causa damni & lucri; Quid in pari, quid in dispari; puta si parum publice interesset, & Principis priuatim multum. I V R. Quæ tandem decisio? P H I. Quod omnibus prodest vel nocet omni casu præferendum ab eo, qui sese & sua omnia cunctis discriminibus obiectare pro cõmunitate paratus esse debet. nam nulla tam exigua communis utilitas, quæ maior non sit quacunque maxima priuata. non est proportio eius commodi vel incommodi, quod priuatis parietibus coercetur, ad id, quod in multos distenditur. quo latius diffunditur bonum, eo melius; & malum, deterius. accedit, eo, quod communiter omnium interest, Principis quoque negocium contineri; ex contrario vero secus. Cicero: Potest autem quod inutile Reipublica sit, id cuiquam Ciui vtile esse? In comparatione causarum quæ potior sit habenda, idem Cicero, ex auctoritate Platonis, docet his verbis:

Omnino qui Reipublicæ præfuturi sunt utilitatem civium sic tueantur, ut quicquid agunt ad eam referant, obliti commodorum suorum. Idem tertio de Finibus: Vir bonus, & sapiens, & civilis officij non ignarus utilitati omnium, plusquam unius alicuius aut suæ, consulit. nec magis vituperandus est proditor patriæ, quam communis utilitatis & salutis desertor, propter suam utilitatem aut salutem. ex quo laudandus sit is, qui mortem appetat pro Republica, quod docet Cicero, chariorem esse patriam, quam nosmetipsos. I V R. Audite ad hanc sententiã aurea Imperatoris Iustiniãni verba: Quod communiter omnibus prodest, hoc privata nostra utilitati præferendum esse censemus; nostrum esse proprium, subiectorum commodum imperialiter existimantes. Hac enim Constitutione civium commodis restituit caduca, & pro non scripta omnia fisco vendicari solita. Alia item lege: Iudicibus ex publico constituta stipe, suffragia litigantibus onerosa, & gravia populo, singulorum præscriptione sustulit; suo sic questu non modice diminuto: que si non discessissent ex aula, non sic auare nunc exigerentur, quas popinas vocant; quarum libidine tribunalia publica sub hasta vaneunt. HIST. Videmus enim Scribarum, Quæstorum ac Magistratuum concussio-

nes in maximis redditibus computari, & noua veteribus grauiora pendi vectigalia. Diuus, non diuus Nero, misertus onerū popularium, vectigalia quæ non aboleuit, imminuit. Diuus Augustus, & alij multi in annonæ difficultatibus gratis plerūmq; vel leuissimo pretio, dimensi sunt frumentum. Traianus quinque millia ingenuorum puerorum de suo assidue aluit. Imperator Nerua omnes pecunias, quas iniuste Domitianus rapuerat, spoliatis restituit: Romanis pauperibus decies quinquagies centena millia erogauit: Agros sua pecunia coemptos prepositis Senatorib⁹ quibusdā, inter egenos iussit diuidi: & tantum largitionibus indulsit, q̄ vasa aurea, argentea, pretiosamq; suppellectilem, vestes denique atque ornāmēta imperialia auctiōni subiecit. Diuus Traianus, nihilo in munificentia segnior, ingētem tabellam rerum propterea uanaliū in foro suspendit, ac circūferri fecit. Imperator Antoninus philosophus, Marcomanico bello largitionibus exhauſto iam arario, ne provinciales grauaret, quicquid pretiosæ suppellectilis & imperialium ornamentorum, vestes uxorias ac mundum omnem in foro Traiani uendari fecit. Pudet à Gentiliū Principibus Christianos pijs largitionibus superari. P H I. Non minus elegans ex his alia surgit inuestigatio.

IVR. *Cuiusmodi est?* PHI. *Scilicet, Id reip. utile num cum alterius detrimento sit procurandum?* HIST. *Haud multis res hac agenda est, quia sanctissimo maiorū nostrorum, & Atheniensium iudicio sopita non ignoratur.* PHI. *Si placet, audiamus, quia non paruo præiudicio nobiscum agit.* IVR. *Immo delectat.* HIST. *Populus Ro. F. Camillo Cons. Faliscis longa obsidione cinctis, Magistri literarij ludi de primariis pueris proditionem respuit, expetibilius ratus, in longum atque etiam frustra obsidionem trahi, quam, sceleris turpitudine, citam certissimam victoriam contaminare. Maximis idem Populus dispendiis, ac discriminibus subleuari poterat formidabilis belli, quod à generoso ac potente Rege Pyrrō inferebatur, si aque conducere duxisset, veneno, ut armis, vincere. Similiter Athenienses, clandestino incendio subductæ ad Gytbeum classis, Lacedæmoniorū opes comminuisent, & imperium maris vendicassent, nisi Aristidi minime honestum differenti, audissent. Palpitatis ergo, istorum exemplo quàm intrepide defendi potest, Nihil quicquam utile, quod parum honestum videri potest.* PHI. *Pulcherrimus hic in philosophia locus ac perutilis, quem copiose ac luculenter explicavit Cicero in Officiis, à Panatio de industria prætermissum;*

quòd dubitare turpiſſimum ducebat, num poſſet aliquãdo utilitas cum honeſtate pugnare. Cenſebat enim nihil eſſe utile, quod non eſſet honeſtum, nullãque maiorem peſtem in hominum animos irrepſiſſe, quàm eorum opinionem, qui hæc natura coherentia diſtraxiſſent. de qua re Cicero, omnium recte Philoſophantium conſenſu, ac firmiſſimis argumentis concludendo, ait: Detrahẽre igitur alteri; & eius incommodo, ſuum augere commodum, magis eſt communi veſtram, quàm paupertas, quàm dolor, quàm mors, quàm cætera, quæ poſſunt aut corpori accidere, aut rebus externis. Natura non patitur quod aliorum ſpoliis noſtras facultates, copias, opes augeamus. neque hoc ſolum Natura, iure gentium, ſed etiam legibus populorum. I V R. Iure quidem noſtro valde abominabile eſt cum alterius iactura locupletari. Nunc demum intelligo ex hoc philoſophia fonte Adilitia maſſe adicta de rebus vèdendis, nequid emptor ignoret quod norit vèditor: & dictum præſtare oportere & non dictum, quod interfuiſſet emptoris dici vel non dici. P H I. Paulopoſt idem Cicero ſubiicit: Qui civium rationem dicunt eſſe habendam, externorum negant, hi dirimunt communem humani generis ſocietatem; qua ſublata, libe-

ralitas, beneficentia, bonitas, iustitia tollitur; quæ qui tollunt etiam aduersus Deos immortales impij iudicandi sunt: ab iis enim constitutam inter homines societatem evertunt. THE. Constituit hoc Deus illo compendioso precepto, Diliges proximum tuum sicut teipsum. PHI. Merito iccirco Socrates execrabatur eos, qui utile ab honesto seiunxissent. THE. Nostri etiã Theologi acerbioribus multo execrationibus, ut par est, insectantur. HIST. O tempora, o mores; in qua incidimus: non solum in Priuatorum lares penetrauit hac pestis, sed Regias. quid inquam Regias? verum etiam Sacerdotum sacraria occupauit; ut nihil iusti, nihil pensi, nihil recti habeat, nisi commodum. Assiduos, solos beatos ac frugi: insontes vero, aut ignauos aut hypocritas arbitratur. post mortem nulla de vita quaestio: sed quantum auri argentine relictum ab his, quibus sola arca fuit nisi scortum, aut ephæbus, aut alia, aut hæc omnia pro nudis & esurientibus, quos ex officio pasce-re oportebat. Aneas, Pius secundus, Papa Maximus, dictare solebat, Regio nomine indignū illū, qui suis commodis communem utilitatem metiretur. quid dixisset de his, qui honestatem non aliter metiuntur? THE. Beatus Bernardus vociferatur in Clerum plus iusto, etiam si ultro

porrigatur, capientem: quibus nefas esse dicit, pluris vel nummo vendere, vel minoris emere.

HIST. Sed humana isthac. quid si diuina publice proscribi vidisset, suppositis etiam licitatoribus? diuina inquam illa, propter qua pastor Petrus Simonem à se eiiciendo damnauit? O Bone Iesu, semel & clam Iudas te vendidit, à Sacerdotibus & Pontificibus emptus ut saluum faceres genus humanum: at nunc, ut perdas, centies in die & palam venūdaris, si emptor affuerit. Sunt qui hoc loco Populum Romanum incusent, qui glorie & imperij cupiditate totum terrarum orbem vi & armis infestassent; quibus ipsi secederēt, nisi iusto bello parta diuino & humano iure retineri possent, & nisi iuste domitis utilius esset bonis domitoribus obsequi, quàm licentiose viuere. non desunt celebres scriptores, qui doceant nullum iniustum unquam à Populo Romano gestum bellum, quod ante Caesarum Tyrannides bellorum initia percūctanti cuique facile succurrit. sed pro omnibus sufficiat magnificum Ciceronis recensuisse testimonium; Verum tamen, inquit, quandiu Po. Ro. beneficiis tenebatur non iniuriis, bella aut pro sociis aut de imperio gerebantur: exitus erant aut mites, aut necessary: Regum, populorum, nationum portus erat; refugium, Senatus. Nostri autem Magi-

stratus

ad. p. 11
 111
 11

stratus Imperatorésque ex vna hac re maximam laudem capere studebant, si provincias, si socios equitate & fide defendissent. Itaque illud patrociniū orbis terræ magis, quàm imperium poterat nominari. I V R. Si Principis est publica curare ac tueri, nūquid sic accipimus, ut quæ vsus duntaxat publici sint, curet, ut Stadia, Theatra, Tempia, Porticus, Mœnia, Portas, Portus; item Iudicia, Ararium, Pacem, Bellum, Inducias, & id genus reliqua; non autem priuatis vtilia? P H I. Errant qui ita opinantur, quasi homines talium gratia coissent in populos. ut nemo negotialem societatem init ipsiusmet societatis causa, sed ut ex ipsa communi negotiatione priuatim quærat, & affluentius necessitatibus subueniat; sic mortales à natura nudi omniumque rerum inopes, ac per se singuli ad paranda necessaria minime idonei, nisi mutuo sibi opitulentur auxilio, ad superandas necessitatum angustias ab initio conuenerunt. Indigentia, inquit Plato, Ciuitatum origo fuit prima. Aristoteles, Communis vtilitas, ait, coniungit homines, in quantum confert singulis. bene viuendi maxime hic finis est & publice omnibus & priuatim. Si priuata itaque vtilitatis causa ciuitates ab initio conditæ sunt, quo cōmodius, affluentius, securius, & sine iniuria

*priuatim quisq; & sibi & suis prospiceret, quā-
 uis postea probe viuendi ratio accesserit, ac per-
 polierit, non dubium est eadem ratione oportere
 Principem publice administrare, scilicet priua-
 torum gratia, qua à singulis in ciuilem socia-
 tem coitum fuit. quod planè efficiet, si ex publi-
 co ad singulos commoda defluerint: alioquin
 impium mehercle nimis, detestabile, ac minime
 diuturnum, ciues in opulenta Rep. Tatalos fie-
 ri. HIST. Quod nobis, me miserum, contin-
 git. in natali solo nequicquam diuinarum hu-
 manarumque rerum participes sumus; & in-
 quilinorum melior conditio. perlepide iccirco
 M. Antonius Alterius noster, vir suauitate elo-
 quij, elegantia, ac morum grauitate clarus, per-
 cunctanti cuidam respondit, se ciuem Zulfura-
 ta; gentilitia uilla nomen est, ex qua vitam
 uiuit: & quum instaret ille, num Romanus
 esset, Erras, inquit; si Roma mihi patria siue
 matria esset, nutriret. utique, prob dolor, despe-
 eti sine honore, sine fauore iacemus, haud no-
 stro, quod recreat, demerito. non fures, non
 latrones, non maleficos, sed alti ingenij at-
 que animi, nihilque ob diutinam seruitu-
 tem remissi, bonarum artium studiosos ad-
 huc gignit mea Roma. testis est Italia, quæ Ro-
 manis ducibus, equitatu, peditatūque cum*

Gallis, ac Germanis fortissime nunc pugnat. locupletiores testes sunt hostes ipsi, cum quibus quotidie confligitur. PHI. Redeamus ad Remp. qua stare non potest, nisi de peculij sui diuitiis priuatim cuique, quasi mammillas sugendas, praebeat. aptissime ad hanc rem animati corporis similitudine utuntur Philosophi. cuius bustum si, depastis cibis, speciales non transmiserit succos ad mēbra & minutos usque articulos, debilitari ac breui interire necesse est. & propterea, sicut nihil busto utile est quod non idem membris; neque membris utile quod non idem corpori, eodem modo nihil priuatim utile quod non publice; & e contra. Vnde palam sit priuata publicis usque adeo haerere, quod ab eis diuelli nequeant: similiterque priuatis publica inservire, arctissime colligata esse; ut qui vnum probe gerit, utrumque gerat oportet; nihilque utile priuatim censeat, quod non sit publice omnibus; & e conuerso; subtili quamuis consideratione distinguatur. praclare igitur Cicero inquit: Vnum debet esse omnibus propositum, ut eadem sit cuiusque utilitas, & vniuersorum. praeterea si quisque Ciuis, ut saepe dictum est, particula est Ciuitatis, qui cuiusuis Ciuis non curat commoda, partem proculdubio deserit Ciuitatis. Totum Reip. corpus curari

Plato præcipit, ne perniciosi tumultus & seditiones excitentur. Princeps ergo & singulorum & vniuersorum commoda procurabit. I V R. Hoc voluisse Vlpianum arbitror, quando dixit: Huius studij duæ sunt positiones, publicum, & priuatum: duos intelligo propositos fines, ad quos & Princeps, & legum lator, & interpres legum debet semper intendere. P H I. Recte quidem sentis: Principis est, omnium tam priuatim, quàm publice repositam in se curam non ignorare. &, quæ omnibus prosunt, præponere his, quæ paucioribus: &, quæ nequeunt omnibus, sed quibusdam prodesse, etiam si vel vni conducant, non negligere: & omnia ducat istorum gratia publice & priuatim in Ciuitate disposita: & propter hanc ipsam & non aliam causam se ad Principatum euectum. Imperium, ait Arist. est gratia utilitatis subiectorum. I V R. Hoc idem Iustinianus in nouellis Constitutionibus ingenue profitetur, & gloriabundus se iactat his verbis: Vt nostri subditi sub omni quiete consistant sollicitudine liberati, nobis in nosmetipsos pro omnibus cogitationes suscipientibus; illa agere querentes, quæ, utilitatem nostris subditis introducendo, omni eos onere liberent, & omni damno extrinsecus. H I S T. Propter huiusmodi sollicitudinem sapienter diuus Diocletianus,

Principatum molestiam esse dictabat: & ideo post maximas victorias, ac gloriosissimos triumphos magistratu se abdicauit: & pluries à Po. Ro. reuocatus, maluit priuatim sibi viuere. plus enim oneris, quàm honoris habere dicebat.

M A R I I S A L A M O N I I

D E P R I N C I P A T V.

L I B E R I I I.

P H I.



*P*OSTREMO, ut nihil desideretur eorum, quæ ambitu publicæ utilitatis continentur, cuius studiosissimum Principem esse oportere iam concessistis, scrutemur, Vtrum etiam quæ ad mores pertinent comprehendantur: & dubio procul comprehendendi omnium sapientum una vox est. Plato in Republica, & in Legibus nihil prius asserere videtur. igitur de hominum ad virtutem institutione ab incunabulis publice curam suscipiendam præcipit. THE. Quis curiosius Romana Ecclesia ordinauit ista? quæ non solum per atatum discrimina, sed singula prope temporum momenta, & ab ipsa prima diei natalis luce, curam su-

sciendam agendamque precipit, & à lustricis diebus, adhibitis probis viris, quos Compates vulgus vocat, qui religione & moribus pueros instituāt. utinam, ut sancte instituta sunt omnia, sic ab his, quibus commissa est diligentia, implerentur. HIST. Vereor de Clero nostro dici iam posse idem, quod de Graecis scribit Curtius, quod professione bonarum artium, malis moribus corruissent. PHI. Hunc locum de Ciuium institutione copiose pertractat Aristoteles ij. de Repub. planumque facit, non modo viuendi, verum etiam bene beatèque viuendi gratia, Ciuitates constitui; alioquin seruorum & praedonum conuentus esset Ciuitas. & denique concludendo, ait: Ex his manifestum est de virtute curam habendam; eaque re vere ciuitas est nominanda. Si proprium est Ciuitatis de virtute curā habere, palam fit, haud diuersum Principis munus esse, qui personam Ciuitatis gerit. si neglectu virtutis Populus indignus fit nomine Ciuitatis, longe indignior fieri debet Princeps maiestate & nomine Principatus. Cuius rei multiplex proditur ratio; cum, quod virtutis vsus ad veram ducit felicitatem, cuius gratia omnis bene constituta intelligitur Ciuitas: tum, quod sine amicitia, ut nulla alia, ita nec ista ciuilis consistere potest. societas. morum

enim similitudo inter se conciliat homines, secundum virtutem viuentes: dissimiles moribus diu simul esse non possunt. Plato: Vt simile simili, sic moderatum moderato amicum est. immoderata vero neque inuicem, neque moderatis sunt amica. & veluti Virtus constans & perpetua est, sic eadem semper à virtute lex, idem viuendi tenor sibi ipsi consentiens, & finis optimus est. unde pulcherrima consensio & illa Pythagorica harmonia. neque longe exempla petantur. Mea Roma virtutis dūtaxat ope cum calo de Imperij finibus litigasti: & tu mater Ecclesia, quando esuritione vescebaris, nuditate vestiebaris, egestate ditabaris, frugalitate ornabaris, fide celum scandisti, continentia meruisti, charitate post Deum in excelsis sededisti, terram pro pedum scabello despexisti. si sic viuere perseuerasses, nullum inter Patres dissidiū videremus, nulla de Concilio decennali esset contentio, nullus de corrigendis moribus metus, sed omnis de sola animarum salute sollicitudo: cetera, vt caduca & vilia, despecta iacerent. at nunc, profligatis virtutibus, pro paupertate diuitia, pro pietate rapacitas & infensa Deo simonia, pro māsuetudine ambitio, fastus, superbia, pro frugalitate luxus Attalici, & plus Neronianis inuidiosa atria. pro pānosīs, sericia & pur-

*purea inter vilissimas numerantur vestes. pro
 ieiuniis, crapula & cena plusquam centenaria.
 pro continentia, omnium voluptatum exquisi-
 ta illecebra. pro orationibus, arma & anathe-
 matica consultationes. pro charitate, bella, cae-
 des, oppugnationes, excidia; & inter ipsos Patres
 exitiale hoc ipsum, quod videmus, excidium.
 Quid futurum censeatis si Cardinalium pars illa,
 quae Pisas secessit, Concilij compos fiat, & alte-
 rum nobis opponant Pontificem? Quis Gallorum
 & aliorum in nos impetus sustinebit pro Ec-
 clesia, & suo Antipapa? iure se arma sumere
 male persuasi, Antichristos nos appellantes. Ve-
 rum si virtutis usus, si honos esset, si Saluatoris
 praecepta custodirentur, talia non timeremus.
 vereor iratus ne Deus vibret in nos gladium vin-
 dictae. merentur maiora his nostra peccata. in
 cilitio & cinere plangendum. non est qui resi-
 piscat. nulla sacerdotibus cura in asserenda, pro-
 pitanda, procurandaque Dei ira. caci à cacis
 ducimur. I V R. Quibus ergo artibus Princeps
 bonos efficit ciues? an, ut ait Vlpianus, pœna-
 rum cum metu, tum premiorum pollicitatione?
 P H I. Solon dicere solebat, his duobus, premio
 & pœna Remp. contineri. quae haud inciuili-
 ter accipienda sunt; scilicet ut statim in delin-
 quentem sauiatur, nisi virtutis indociles appa-*

rerent, & cōtemptores. philosophice enim loquitur Vlpianus: bonos non solum metu pœnarum, sed præmiorum exhortatione efficere cupiens, is veram ni fallor, & nō simulatam philosophiam affectat. oportet enim omnem operam nauare prius, vt discant bene agere. Aristoteles in Rep. Nihil profunt vtilissima leges, quæ à Gubernatoribus decernuntur, nisi moribus instituti, & disciplina imbuti homines fuerint. Disciplina autem est, secundum Platonem, ea vitæ institutio, quæ in amorem virtutis paulatim adducit animum puerilem. & propterea deridet idem Plato, & vt crudeles detestatur eos legumlatores, qui statim constituunt quemadmodum scelera plectantur; quomodo vero homines bene viuere discant, nihil adhibent diligētiae. HIST. Ecce quàm plane experimur, sanctissimos Canones vel minimum valere inter perditos mūc-
mores. in coaptandis in Clerum viris; Vltima de moribus (vt ille ait) fit quæstio. o. utinam fieret vltima. cordate adepol Ennius: Moribus antiquis res stat Romana virisque. Maiores nostri utique huic diligētiae Censores tetricos præfecerūt. THE. Aurelius Augustinus in laudem Romanorum, ex Republica Ciceronis verba hæc scribit: Neque hi viri, nisi ita morata Ciuitas fuisset; neque hi mores, nisi hi viri præfuis-
sent,

aut fundare, aut tam diu tenere potuissent tantam, & tam iuste lateque imperantem Rempublicam. HIST. O miseram temporum nostrorum conditionem, quòd, nulla publice instituta disciplina, peccantes veniam nec speramus, neq; bene agendo præmia expectamus. Considerastis quàm grauius ferre visi sunt quidam, quando in consilia plus solito conueniebamus pro corrigenda cum inertis inuentutis ignauia, tum luxu & petulantia, proque conciliandis ciuium inter se animis: & ubi rescuerunt, inter Vrsinos & Columnen. positis armis ac simultatibus, Iulio hinc, & inde Fabritio Principibus, uniuerso S. P. Q. R. astipulante in Capitolio, desideratissimam celebratam pacem, conceptam propterea animi molestiam desitum fuit dissimulare. quæ re cognita, nonnulli metuentes voluntario exilio secesserunt; ut Iulius Alberthiscus, quòd in eius Conseruatoratu hac & alia multa gesta sunt è Republica: Pompeius Columna Episcopus Reatinus: Robertus Vrsinus, princeps Senatus: & alij Ciues multi. Heu heu, quò versa res est? ut qui quondam benemereri de Republica studuissent, inter heroes claros venerabantur, ij nunc in tabellam proscriptorum referri timent. In puniendis peccatis pessime cum reis nunc agitur: aut bonis, aut vita & bonis simul exuuntur.

tur. nulla castigandi ratio, ut meliores fiant: nulla quoque exemplaris pœna, ut alij terreantur. ararios fieri Ciues, non bonos, amant. Diuo Traiano inter cetera Optimi cognomen tribuit, quod nulla fisci causa, se Principe, bona esset; nunc vero nulla mala. Modestinum in causis dubiis contra fiscum intrepide iudicatum respondisse ferunt. pro fisco nunc semper fit iudicatio. Sapientes duas pœnarum species commendant, Castigationem & Exemplum: Castigatio, ut qui imprudens peccauit posthac fieret consideratior, vel quoties spes esset reum ad meliorem frugem redire. Exemplum appellant capitalem pœnam, qua ceteri admonentur. I V R. De hac pœna nunc intelligo Claud. Iureconsultum respondisse: Nimirum, multis personis grassantibus, exemplo opus esse. H I S T. Eandem pœnarum distinctionem Virga & Secures in fascibus Pratorianis pollicebantur. virga, quod emendari potest corrigunt: secures, quod emendari non potest succidunt. non ergo statim neque passim, maximeque indieta causa, ad cadem profiliendum est. T H E. Peccantem iterum corripi, & non cedi, Iesus precipit; & Arbor illa infructuosa post tertiam stercorationem iussa est succidi. H I S T. Aliud quoque notatu dignum in illis fascibus cernebatur, quod colligati, & non soluti essent.

unde vsurpatum arbitror, quod hodie vaginati gladij Potestatibus præferuntur pro fascibus; qui Prætores præibant, ea ratione, quod non in promptu & ad manus de capite cognoscentis expeditas secures esse volebant: idest, quod omnis puniendi ratio vinculo humanitatis, & misericordia dulcedine esset irretita, quodque non nisi lege, & inuitus ad vlciscendum accedere videaris. **IUR.** Audite ad hanc rem quæso eloquentissimi, ac sanctissimi Leonis Papæ verba aurea hæc: Plus erga corrigendos agat benevolentia, quàm seueritas: plus exhortatio, quàm comminatio: plus charitas, quam potestas. Sed ab his, qui, quæ sua querunt, non quæ Christi, ab hac lege disceditur: & dum dominari magis, quàm cõsulere subditis placet, honor inflatur in superbiam. **HIST.** Diocletianus Imperator, Iustitiã sine misericordia crucem esse dicebat: dignum mehercule Principe diæterium, furentis sane, & sanguinem humanũ anhelantis est, precipit em in supplicia ferri. Sapiissime nos ipsi vidimus, si memoria tenetis, in media vrbe, eodem momento & captos & capite truncatos multos, quod plerumque fassus est Princeps, à se imperatum ne supplicationibus vinceretur. **PHI.** Quid audio? pulchrius duxit, crudelior quàm indulgentior videri. **HIST.** Antiquitus tanti de capi-

te hominis iudicium erat, quod publica iudicia multorū gravissima censura agitentur ex omni ordine lectorum iudicum, Plebeio, Equestri, & Senatorio: ac dispari numero, ut plurimum saltem numero certa sententia vinceret. In causa Miloniana vnus & septuaginta dati Iudices memorantur; fiebatque reis recusandi potestas, quos volebāt reiici; & in reiectorum locum ex vrna alij sublegebantur. auct̄or est Asconius Pedianus. sub Imperatorib. postea introductum, de nullo supplicium sumi, nisi proprio Caesaris chirographo tabella subscriberetur: & quum inhumanum ducerent etiam in facinorosos scuire, Aqua & Igni interdicens ius induxerunt: interdicto enim earum rerum vsu, sine quibus vita consistere non potest, rei inter mortuos numerabātur. humore sane, & calore corpora animari intelligebant. Hinc à noua nupta ignem, & aquam tangi instituerunt. quod institutum adhuc in sacris nuptialibus retinemus. Cruenta vero supplicia raro, & in humiliores ac perditissimos, exercebant. nunc autem vnus stulti arbitrio, & indicta plerumque causa in omnem passim secures expediuntur. Horret animus dum recursat in mentem carnificina illa, quam quotidie pro spectaculis spectamus, de exossatis per longa supplicia, & candenti forfice excarnifica-

tis corporibus. Olim non nisi atra die, ac deserto
 & infami loco supplicii rei subiiciebantur. nūc
 vero ipsa die, ac via celebri, qua in Cōsistorium
 itur, quasi commeantibus gratum sit in crucem
 aētorum spectaculum. non sic Maiores nostri, sed
 humaniter, clementer, religiose. & Sacerdotibus
 omnino piaculare esse voluerunt, ne vita forent
 inoptabili. P H I. Platonicum est etiam istud in-
 stitutū. in Epistola ad propinquos Dionis scri-
 bit, Sacerdotem in ferenda necis, carceris, exiliij
 sententia contaminari nefas esse. idem in Gor-
 gia ait, Non decere sapientem inoptabilem vi-
 tam habere: inoptabilem putat eorum, qui ca-
 pitalibus ius dicunt. I V R. Hoc idem sacris Con-
 stitutionibus continetur: quāuis Episcopi hodie
 titulo Gubernatoris huic ministerio præficiātur.
 P H I. Dic, prudentissime, quā bene Episcopus
 orabit pro populo? Vir sanguinis quā bene ple-
 bem suam instruet, cuius inter tortores & carni-
 fices cōuersatio est, & de extendēdis equuleis se-
 dula disputatio; quiq; pulchrius ducit solertiorē
 latrunculatorem quā religiosum Episcopū, ha-
 beri? HIST. Dirus, nō Diuus Diocletianus, Ma-
 gistratib⁹ urbicis, provinciarūq; Præsidibus tan-
 tum cura adhibuit, vt neq; modestiores vnquā,
 neque iustiores extitisse perhibeātur. nunc autē
 pudet à Cesarū ignauissimo in moderamine Lu-

ris dicendi nostros superari. ad Magistratus deliguntur inclemētes, rapaces, callidi, & plerunq; licitatione vincentes, ea, quod peius est, lege, ut nullis legibus etiam repetundarū teneantur. unde verum experimur illud Aristotelis: Qui legibus hominem præponit, sauisſimam bestiam præponit. P H I. Obseruate obsecro hæc Platonis quarto De legibus, verba: Interitum, inquit, illi Ciuitati paratum video, in qua non lex magistratibus, sed legi magistratus præsumt: salutem vero illi, ubi lex seruiētibus magistratibus dominatur. H I S T. Inter ipsas namque leges & secures & tribunalia, flagrans in omne facinus libido dominatur. cuius rei quum grauate premeremur, & in consiliis pub. verba fierent, detestari nostra consilia cœpta sunt, nec ante calumniari desitū, quàm Curia clauderetur. Eloquētissimus Tertullianus, honorū virorū, et pro reb⁹ minime improbis, negat esse cōuenticula. Diuus Antoninus respondit, Iustā seruitutē seruiētiū querelas male tractationis aduersus dominos suos audiendas: nobis vero ne hiscere quidem concessum. in Phalaridis Tauro bulliētium mugitus inhibitos nusquam legimus: crudelissimū adepol, & supra quàm dici possit, in tormentis tacere iussis tormētum. P H I. Bonis autem moribus imbuitur Ciuitas verbo & opere, qui

*bus solis omnis recta institutio continetur. THE. Saluator noster capis prius facere, quam docere. Qui iubet aut docet, & non facit, seductor est, ad vitiumque instruit. Laetantius: Incongrues atque ineptum, non in pectore, sed in labiis habere bonitatem. Verum nemo effigiatius expressit quam sanctus Basilius; ille, quem ex multisca rerum cognitione Magnum Gracia vocauit: Qui enim, inquit, virtutem in cœtu hominum laudant, amplissimisque verbis extollunt, ipsi vero & libidinem temperantia, & questum iustitie anteponunt, hi mea sententia nihil differunt ab Hystrionibus: qui, cum poemata in scena agunt, sæpe ut Reges vel ut potentes prodeunt, cum tamen neque Reges sunt, neque potentes, neque omnino forsitan liberi. At hic ultimus est iniurie terminus, bonus videri cum non sis. PHI. Non Christilogos sequitur populus, id est, qui bene loquuntur & male agunt. sic Imp. Pertinax huiuscemodi homines appellabat. Mores Principum regula sunt viuendi Ciuibus, ac exemplar validissimum; in quos omnium conuersi oculi insudant fieri similes. morum vero dissimilitudo parit odium, sicut similitudo gratiam. gestit quisque ea agere, quæ Principem oblectant. quæ res quantum valeat ad mores Ciuitatis, Plato docet his verbis: Non-
 multo*

multo labore, neque longo tempore Tyrāno opus est ciuitatis mores mutare. nam siue ad virtutis officia siue contra, ciues perducere velit, ipse prius viam, per quam sequantur ceteri, ingrediatur oportet; omniaq; in seipso primū expressa praescribat agēdo; alia quidem laudans atq; honorās, alia vero vituperās. HIST. Elegāter ergo iunior Plinius Traiano dixit: Vita Principis censura est, eaq; perpetua. ad hanc dirigimur: ad hanc conuertimur. neq; tam imperio nobis opus est, quàm exemplo. THE. Hinc Apostolus ad Timotheum scribit: Forma esto fidelibus in conuersatione, in fide, in castitate. HIST. Sed quid sapientum, ac sanctorum dogmata commemoramus? nonne ipsi experti sumus? quandiu virtuti honos fuit, Papalis non solum Curia, verum etiam vniuersus Orbis doctissimis atque sanctissimis abundauit viris. at ubi vitia irruerunt, & in summa arcis pro tribunali visa sunt dare honores, nemo bonus fieri concupiuit. si dignitates omnes auctōnaria cernuntur, quae virtutum splendore mereri debent, quis, ad haec fastigia anhelans (anhelant sane omnes) cumulandis opibus non innigilet? cumulari autem sine vitio vix possunt, ut in Prouerbiis legitur: Qui festinat ditari, non erit innocens. Pudet dicere quibus gratis patent dignitatum

portæ. nil mirum, si iam paucissimi bonarum artium sunt studiosi. verâque vox illa: Sub bono Principe mali Ciues esse non possunt. & contra: Sub malo Principe boni esse non possunt.

THE. Grande dubioprocul in Principibus crimen, ac perniciosè contagiosum, quando eorum exemplo populi discunt intemperanter viuere: & vsque adeo grande, quod expetibilius sibi sit crudeliter cædi, Christo Iesu nostro acclamante: Siquis scâdalizauerit vnum ex pusillis istis, expedit ei vt in collo eius suspendatur mola asinaria, & mergatur in profundum maris. HIST.

Quid si scandalizat orbem vniuersum? THE. Tot mortibus dignum beatissimus Gregorius tradit, quot ad subditos perditionis exempla transmittit: atque, omnium Doctõrum consensu, tanquam hereticus Episcopatu eiiciendus. incorrigibilis enim quisque non immerito inter hereticos nominatur, ea vel maxime ratione, quòd peccandi impudentia non nisi ab incredulitate proficiscitur, locupletissimo Cypriani testimonio, in hæc verba: Diem domini, & iram Dei, & incredulis dira supplicia, & statuta perfidis dira tormenta nemo considerat; quod metueret conscientia nostra, si crederet: quia non credit, omnino non metuit; si autem crederet, caueret; si caueret, euaderet. Clemens Papa:

Qui enim rebelliter viuit, & discere aut agere bona recusat, magis Diaboli quàm Christi mēbrum esse ostenditur; & potius infidelis quàm fidelis esse monstratur. P H I. Postquam scandalizatio tam exitiale scelus est, utrum opus est à vero procedat crimine? I V R. Sunt qui exigūt verum sit crimen & notorium vsque quo scandalum pariat in populo: quorum inuatur sentētia, Si nemo præsumptione damnandus multo certe minus summus Pont. cuius culpam redarguere audet nemo mortalium. T H E. In diuersum eloquētissimi Martyris Cypriani vrget auctoritas, Lib. de Sing. Cler: Peius est, inquit, quàm mæchia cōtinentiam ducere criminofam, & infamem facere sanctimoniam. Idē Cyprianus lib. De habitu virginum: Excusari non potes, quasi mente casta sis & pudica: redarguunt te cultus improbi, & impudicus ornatus; nec computari iam potes inter puellas & virgines Christi; qua sic viuis, ut possis adamari. Et utique scandalizatio Deo infensa est; non ob id solum, quo peccatur: sed, quo scandalizatur. nam & peccari potest sine scandalo; ut illud Apostoli: Si non caste, caute. & scandalizare potes absq; eo peccato, quod peccare videris: nihil interest, quod ad nos mortales, male vel agas, vel agere videaris. si me fugit vere num fece-

ris; non me fugit per id, quod peccasse videris. Neque minimum peccat quisquis sic vivit, ut peccare videatur: non enim in eo quod non facis, sed in eo quod facere videris, scandalizas. Ad hac Aurelius August. lib. De Com. vitæ Cler: Dæ res sunt, conscientia & fama: conscientia est necessaria tibi, fama proximo tuo: qui confidens conscientia negligit famam, crudelis est: quæ crudelitas, Viri disertissimi, non in seipsum, ut vulgo creditur, sed in alios est, qui male agendi inducunt licentiam; ut idem Aug. alio loco declarat, dicens: Non sunt audiendi qui sibi sufficere conscientiam dicunt, estimationem autem non solum impudenter, verum etiam crudeliter contemnent; quum occidant animas aliorum. IVR. Non ergo suspicionibus summus Pont. indicatur, sed manifesto scandalizationis delicto. hinc, nullis accusantibus, sanctissimum purgandi ius introducitur legimus; & sponte multos Pont. subiecisse colla; ut Xistum, Leonem iiij. HIST. Hodie capitale est de purgatione, aut concilio cogitare: nec ob aliud tot annos infestis oppressa armis miserabiliter luget Italia; in cuius excidium omnium Christianorum concitata sunt arma, omnium Barbarorum immanitas, ac rabies irritata. testis est Verona, Vicentia, Patavium, &

reliqua Venetia tota; item Æmilia, Tuscia, Rauenna, Brixia: ubi sine discrimine ætatis, sexus, locorum, sæuitum crudelissime non ignoratur: illisi infantes, direpta templa, profanata sacra; Moniales virgines, nuptæ atque innuptæ cæsæ, stupratæ, venundatæ, prostitutæ: nec ante ab hostibus cessatum, quam perpauca ad infamem miseriam reseruati intelligerentur. Ter signis collatis pugnatum; supra ducenta millia Christianorum desiderata; plus riuulis decurrentis sanguinis humani, quam imbrium, irrigata terra. delirant Reges, ut ille ait, plectuntur Achini. pro aliorum nequitia pœnas dant innocentes; & quod crudelius est, deletis sæpe copiis, redintegrare bellum non cessant. quo ventum est? aurum Ecclesiæ, ex eleemosinis in alimoniam pauperum, & captiuorum redemptionem congestum, effunditur in perniciem etiam animarum. Orabat Moses ut vinceret, non pugnabat. cecidissent Reges & Duces Longobardorum, si diuinus Gregorius humano sanguine pollui non formidasset. Ambrosius, irruentibus ad Ecclesiam occupandam armatis, ne qua strages sequeretur, non restitit vi, ut poterat, sed oratione & lachrymis; quæ sola Clericorum arma esse dicebat. idem Ambrosius Theodosium Imperatorem Templi aditu repulit, quod in Thessalo-

nicenses non sine innocentum discrimine sanisset. qualem arbitraris se praestitisset erga eos Sacerdotes, qui haud dissimilis sauitiae extitissent? quid si vidisset, decastratis Italiae Urbibus, & centenis millibus Christianorum caesis, Gentiliū more superbos per Urbem trahi triumphos, solennia Deo vota solui, gratulationesque agitari contra rationes triumphandi, sanctissimāq; Civitatis nostrae instituta? quae nunquam funestis Ciuium, Sociorumue victoriis letari visa est. Quibus verbis humanitatē tuam efferam, C. Antoni, victor Catilinae; quod abstersos gladios in castra maestus retulisti? inuidiosum sane censebas (& si optabilis, & Reipublicae pernecessaria ea victoria fuerit) sanguinolentis gladiis Ciuium, ut externorū cruore hostium, exultare. L. Cecinna & C. Marius, ut civilis sanguinis auidi, sic moderatissimi victores, quod non protinus ad templa Deorum & aras cucurrerūt. L. Sylla, insolens quāuis victor fuerit, de confectis persape bellis civilibus neque vnquam ouans triumphansque visus proditur. denique Fabius meminit, lauream nec Senatū cuiquam decreuisse, neque quēquam sibi dari petiisse, Civitatis parte lacrymante. T H E. Neque mirum si tam execrabilis est scandalizatio, quod plura deterrima inde sequuntur mala; ipsius charita-

tis derelictio, Christianis infidelitas, & peccandi licentia, non Christianis irridenda, at detestanda, quod peius est, Religionis ansa. Apostolus: Si propter escam frater tuus scandalizatur, iam non in charitate ambulas, noli esca tua illum perdere, propter quem Christus mortuus est. Cyprianus: Blasphemiam ingerit religioni, quam contulit, qui quod confitetur non ante omnes impleuerit, ne Christianitas credatur esse fallacia, & mœchatio videatur sanctitatis velamēto vestita. propter quod Dominus in Euāgelio sic pramonet, dicēs: Sic lumen vestrum luceat coram hominibus, ut videntes opera vestra bona, magnificent Patrem vestrum, qui in celis est. Paulus; Estote sine scādalo Iudæis, & Grecis, & Ecclesie Dei, sicut ego, qui per omnia omnibus placeo; non querens quod mihi vtile est, sed quod multis, ut salui fiant. Simon Petrus: Hac est voluntas Dei, ut, beneficientes, obmutescere faciatis stultorum hominum ignorantiam. quomodo ergo obmutescere facient qui blasphemias ab infidelibus prouocant, & fidelibus perniciosum præbent exemplū? iccirco Paulus ad Timotheum scribit: Non percussorem Episcopum, id est, qui conscientiam non percutiat singulorum, ut contra Iovinianum placet Hieronimo. male ergo Gratianus interpretatur,

ne propriis manibus aliquem cædat. qui sensus cum non quadraret eidem Hieronimo, statim subiunxit: Non enim pugilem describit sermo apostolicus, sed instituit quid Pont. facere non deberet. abstinere omnino debet nõ solum ab his, quæ turpia sunt, Episcopus, verumetiam ab his, quæ indifferentia habentur, quando propterea prospicit in scandali offensam incidere. Idem Paulus ad Corin. Si esca scandalizat fratrem meum, non manducabo carnem in æternum.

PHI. Principem ergo & esse, & credi bonum virum oportet, si virtutis studiosam reliquam multitudinem fieri desideramus. IVR. Quibus virtutibus præstare debet Princeps? THE. Omnibus quidẽ. & iccirco Aquinas noster ait: Non dicitur esse aliquis bonus Princeps, nisi sit bonus per omnes virtutes morales, & prudens. unde oportet Politicum, id est Rectorem politica, esse prudentem, & per consequens bonum virum. PHI. Et imprimis, prudẽtia; quod dux est aliarum omnium virtutum; similiter, & temperantia; sine qua nemo iustus esse potest. Nam sicut haud quisquam est, qui vicino, familiarive forti, aut liberali, multarumue artiũ perito, contentus sit, nisi sit etiam temperatus; pariter nec intemperato Principe latari potest. Hinc Plato ait; Princeps si temperantiam non

habeat, reliquas licet virtutes habeat, nihil est. item magnifica liberalitate vsque adeo pollere debet, ut ne minima pecuniarū cupidinis suspitione maculetur. quod si in pretio census habeat, nemo non auripeta efficietur. I V R. Nihil mihi videtur istud absurdi continere; quinimmo plus Reip. expetenda Patrisfamilias diligentia, quàm inertium desidia: Patris enim familias est opus, quarendorum sollicitudo: isq̄, æconomice finis, uti Mercatura, questus; & Medicina, sanitas: quæ sollicitudo homines reddit solertiores, industrios; quique, quantum ignavis præstant, tantum communitati sunt utiliores. diuitiæ singulorum, non alterius magis, ingruentibus necessitatibus, quàm vniuersorum, esse intelliguntur. quo opulentior est Resp. & potentior & sublimior & nobilior sit, est necesse. Si pauperes Maiores nostri extitissent, tam late imperantem Remp. non habuissent: tametsi armis belligeretur, nihilominus belli neruus est pecunia; quam desiderantes sunt imbelles, inermesque. præterea pauperes fœlicitatis Aristotelicæ compotes haud fieri possunt, quòd vsu exercende liberalitatis destituuntur. P H I. Et si in fronte falsa opinione præcepta isthac vera videantur, in recessu tamen qui penitus introspexerit, & libramine rationis p̄sitaauerit, nihil tam

inimicum Reipublicæ cōperiret, quàm diuitiarum illecebras. licet patriſfamilias officium ſit quaerere, & quaſita tueri, citra vitium tamen accipimus, vt non ducat in delitiis, ditari; ſed, non egere. Hinc Dives dictus, quòd nihil egeat, quaſi Deus. Egere vero ſapientes referunt ad neceſſitatem, non autem ad luxus & voluptates. neque Dives deſinitur, qui multa habet, ſed qui paucis eget, quique egere non ignorat. nam quo plura habeas, pluribus egeas eſt neceſſe. diuitia moderatione animi terminantur, non rerum affluentia. Cato Porcius ſibi exprobrantes quòd multis egeret, deridebat: quòd neſcirèt egere. opes itaque appetendæ pro instrumento ad bene beatæque viuendum. T H E. Hoc illud bonum opus eſt, de quo Apoſtolus ſic ait: Qui Epiſcopatum deſiderat, bonum opus deſiderat, id eſt occaſionem exercendarum virtutum habere, ſecundum Hieronimum. P H I. Verum quia difficile eſt in delitiis diuitiarũ verſari, & illis non reprehensibilem eſſe, eorũ ne te inſidioſis blanditiis committe, quibus facillime captiuaberis. Sapienter ergo Crates ille Thebanus, proiecto in mare non paruo auri pondere, Abite, dixit, peſſimæ voluptates: ego vos mergã, ne ipſe mergar à vobis. Pythagorici, Platonici, ac Stoici in ſolitudinibus, & deſertis, ac peſtilentibus locis habi-

tasse feruntur, ne vlla voluptatum illecebra à contemplatione Sapientia auocarentur. T H E. Ad hanc rem Hiero. contra Iovinianum sic loquitur: Si quis existimat versari inter delicias, & deliciarum vitiis non teneri, seipsum decipit: quum enim, procul ab his remoti, saepe capiamur natura illecebris; & cogimur ea cupere, quarum copiam non habemus; quanto magis, si circumdati retibus voluptatum, esse nos liberos arbitremur? Vetus quoque sententia est: Difficile, immo impossibile est, delitiis & voluptatibus affluentes non ea cogitare qua gerimus. frustra quidem simulant, salua fide & pudicitia & integritate mentis, se abuti voluptatibus: quum contra naturam sit, copiis voluptatū sine voluptate frui. & Apostolus hoc ipsum canens, dixit: Quæ autē in delitiis viuēs est, mortua est. P H I. Periculosa itaque res est, & vsque adeo periculosa, quod reprehensione non carebit quisquis continentiam vel prudentiam profitetur, & huiuscemodi discriminibus sese oblectare nō reformidat: satius quippe existimo per egestatem liberalitatis vsu carere, quàm tam infami periculo se committere. H I S T. Quod si ratio non suadet, suadeat saltem haud latens atque domesticum experimentum. Rigiditas Romana Ecclesie aduersus voluptatum illecebras diui-

tiarum delinimentis emollita, atque prorsus effæminata cernitur: & quæ calcare humilitate superbiam, & imperij fastus desplicere solebat, posita nunc mansuetudine, cæca ambitionis libidine furens, dominandi potestate superbit. Quid maius unquam Rom. Imperio? quod tamen non aliis armis, quàm diuitiarum blanditiis expugnatum atque euersum videmus. fallitur quisquis res magnas vi diuitiarum peragi putat: atqui nec armis præclarum quicquam conficitur sine prudentum consilio & auctoritate: quid humilium Cassio Romuleis? quid eiusdem victoriis gloriosius? non opulentia, sed virtutis robore totiens de finitimis triumphauit. decreuit, non creuit; immo interiit res Romana luxuriosis diuitiarum opibus. quid plura? postquam sapientissimi Catonis habemus testimonium: cuius verba in Oratione ad Senatum contra Catilinam sunt hæc: Nolite existimare Maiores nostros Remp. ex parua armis magnam fecisse; si ita res esset, multo pulcherrimam haberemus, quippe ciuium atque sociorum, armorum atque equorum maior copia nobis, quàm illis, est; sed alia fuere, quæ illos magnos fecerunt, domi industria, foris iustum imperium, animus in consulendo liber, neque delicto neque libidini obnoxius. pro his nos habemus luxuriã

atque auaritiã. I V R. *Nugas audire videor. Si neque armis, neque pecunia res magna conficiuntur, quibus rebus dicitis confici? PHI. Non animaduertisti Catonis recitata verba, quod magistra Virtute? Hac sola sapientes facit, fortes, prudentes. hac nihil fugiendum docet, nisi ignauiam, turpitudinem, vitium; nullos hostes formidabiles fore, nullum locum asperum, inaccessibilem, inexpugnabilem; nullum laborem insolitum; sitim, famem, vigiliã tolerare; sub dio iacere; sole, imbribus, gelu, frigore durare membra; solos hostes odisse, ciues & socios diligere, iustitiã colere, Deos propitiare suppliciter; pro fide, pro patria pulchrum mori; hostes inuadere, loco pellere, ciues seruare; ante alios ascendere muros, dicto parere.* HIST. *His me hercle artibus fundata res Romana creuit; potentiissimi Reges domiti, bellacissimæ gentes ac populi subacti, parua sæpe militum manu numerosi hostium exercitus deleti.* I V R. *Supernacua ad rem bellicam sunt isto modo pecunia.* PHI. *Nisi quatenus necessitati, quæ cito expletur, faciant satis. nullus diuitiarum cumulus satis est his, qui mercenario belligerant milite, & Tyrannis imprimis. alia sane ratio est pugnantium pro patria, pro imperio propagando vel conseruando, longèque*

nobilior pro libertate, pro liberis, pro focis, pro laribus. alia alienigenorum, qui conductitia stipe pugnant. quid ab his præclarum expectare possumus, qui stipem quàm seipso habent chariorem, aut stipe se putant viliores? Nunquam ad tantum fastigium res Romana peruenisset, si non suis lacertis dimicasset. HIST. Quantum intersit pro se, an pro aliis pugnare, Pisani memorabile documentum nostra atate præstiterunt: omni pecuniarū & sociorum auxilio inopes, quatuordecim annorum obsidionem fortissime soli sustinuerunt non modo aduersus Florentinas opes, verum etiam uniuersos prope Italos, Gallorūque impetus; qui omnibus tum formidolosi erant. splenduit tum Pisana virtus etiam sæminis, iuxta viros pro muris pro portis pro stationibus, die noctūque militaria munera intrepide obeuntibus. merentur certe suarum laudum egregium præconem. sed multum interest, ut ille ait, in quæ cuiusque tēpora virtus incidat. quia pro libertate pugnant, ubi ab omnibus iuuandi erant, pudet dicere, vel spectatores suarum virtutum, vel expugnatores omnes senserunt. I V R. Profecto isthæc ratio efficit, quod mercenarij milites vel dum in castris degunt, vel in bello cadunt, iisdem honoribus & fauoribus non gaudeant, quibus pro

patria pugnantes vel occumbentes. PHI. Blandiuntur ad eorum sibi ipsi Potentatus nostri temporis, quando se magnos existimant, quod pecuniis, & multo conductitio abundant milite. Ego vero solitus sum dicere, imbelles homines quavis locupletes, & qui alienis manibus praeliantur, neque bello neque pace potentes. quid si pecunie non suppetant? quid si mercennarium non inueniant militem? Et profligato exercitu, unde & quam presto & quam strenuum reparabunt, nisi fortuitum quemque, rudem, inexercitatum, vel trioboli militem? HIST. Verissima loqueris: experti nunc sumus Gallorum & Venetorum vires longe minores esse, quam vulgo credebantur: Gallorum potentia, que pridem omnibus terrori erat, breui imbecillis apparuit, peditatu indiga: vno impetu Italia pulsus. itaque qui aliena appetebant, de suis nunc cum Hispanis, & Anglis dimicare compelluntur. quod non aliunde est, nisi quod externo beligerant peditate: & quavis strenuissimo abundet equitatu atque pecunia, verumtamen sine peditatu non est exercitus. Aptissime Epycrates, vir in re militari peritissimus, Pedites manibus similes esse dicebat, & Equites, pedibus. longe autem imbecilliores apparuerunt Veneti homines, imbelles utroque, scilicet peditatu & equi-

tatu nisi conductitio. quanam potentia ipsorum
 censeri potest, quæ tota ab unius Bartholomæi
 Albiani fortuna pendeat? qui licet fortissime
 cum Gallis pugnaverit, & optimi ducis ac stre-
 nuissimi militis munia obierit, uno acri prælio
 superato, omnia Venetorum, præter urbis mæ-
 nia, amissa vidimus: de quæ ipsis actum fuisset,
 nisi Iulij I I. Pont. Ro. iram turpiter placasset,
 & per Oratores scilicet, publico decreto ad hoc
 ipsum destinatos, Pontificis pedibus calcandas
 ceruices, uniuerso spectante Pop. Ro. suppliciter
 porrexissent. Quam breui res Romana cecidisset,
 si post unam, alteram, atque alteram ad Ty-
 cinum, Trebiam, Trasimenum, & Cannas, me-
 morabiles acceptas clades, nouo & ad manus
 expedito peditatus & equitatus ciuium dele-
 ctu, reparari exercitus non valuissent. PHI.
 Satis euagati sumus: tempus est receptui cana-
 mus. Postquam exemplis lucidatum est insidio-
 sas fore opum delitias, & veneno malo plenas,
 quas, ut materiem omnium malorum, nemo sa-
 piens, ut Christus ait, concupiuit, superest hu-
 ius rei causa non ignoretur; quæ licet fortissimis
 argumentis explicari possit, breuitatis tamen
 gratia sufficiat Platonis iij. de Rep. recitasse
 omnibus probata verba; quæ velim e vestro nū-
 quam defluant pectore, si inter stultos connu-
 merari

merari fugitis: Constat, inquit, impossibile esse in ciuitate diuitias honorare simul, & temperantiam possidere; sed necessarium est ad alterius estimationem semper alterum negligi. & alio idem loco ait: Quando in ciuitate diuites & diuitia honorantur, virtus probiq; viri despiciuntur: incenduntur ad ea studia omnes, que in honore sunt. THE. Hinc Iesus noster dixit, Facilius Camelum transire per foramen acus, quam diuitem intrare in regnum celorum: & Hiero. lib. Conuers. Christi: Iustus non est abundans extraneis facultatibus. IV R. Quid audio? diuites ergo beari nequeunt. verumtamen multos legimus viros sanctos locupletes fuisse. THE. Quidam diuites sunt auari. opulentiam amare, & illam in pretio non habere est impossibile; quia Vbi thesaurus tuus, scriptum est, ibi & cor tuum. nemo potest Deo, & Mamona seruire. & de his, qui diuitias in honore habent, Plato loquitur, & Saluator noster Diuites Camelis comparat. Quidam diuites non sunt auari; virtutes suspiciunt ac venerantur: studium tamen sine iniuria cumulandarum opum non negligunt; & hos dicimus non facile saluos fieri; & hi sunt, qui seminant, ut Iesus docet, inter spinas. nam, uti difficile est diuitiarum delinimentis non capi, ita non facile ad virtutes Dives accedit. cau-

sam Diuus Hiero. Lib. de Conuers. Christ. disse-
rens, sic loquitur: Fluxu enim rerum, & vber-
tate copiarum animus soluitur, vigor mentis in-
fringitur, virtus corporis enervatur. Alij vero,
qui sunt liberales, id est qui ad vsum virtutis
effundunt diuitias, hi beati & Deo similes sunt:
qui vero ad malos vsus erogant, licet largiter,
infelices sunt, prodigi, & gratia Dei dissipato-
res. Sunt alij, qui non iure proprietatis sunt di-
uites, sed vsu & ministerio, ut Prælati, Episco-
pi, & reliqui ecclesiastici dispensatores. si pa-
nam frangant quibus & quando ius est, de libe-
ralitate nequaquam laudantur, sed de bene ad-
ministrata pecunia. sin sibi habent, aut suis deli-
tiis indulgentes impendunt, impiissimo ligantur
furto. nam aurum, quod possident, elemosina-
rium, & panis pauperum est: inter quos aqua
diuisio, non liberalitas est, sed pia distributio:
quod si non fiat, aris alieni & esurientium pa-
nis fraudatio est. I V R. Quid si Princeps vir-
tutis sit expers? P H I. Et sibi & aliis conclama-
ta calamitosaeq; conditionis foret: sibi, quod eis
vita quam misera est, inquit Plato, & ab omni-
bis fugienda; in quo anima, qua vivit, per vi-
tium est deprauata. idem in Legibus: Si homo
Vnus, aut Paucorum potestas voluptati & cupi-
ditati deditum animum habeat, hisque repleti

desideret, quāquam id minime assequatur, inextinguibili inextinguibilique ardore, & insanabili morbo vexatur. hæc Plato. & non dubium est quod voluptuosis hominibus furor sit læsa paululum voluptas. horum autem causam christianissimis eiusdem verbis explicatam attendite: A superbis, ait, lex diuina respuitur: qui mox, sicut Dei legem derelinquunt, ita deseruntur à Deo. deserti autem & peccant atrocius, & miserabilius cruciantur. latius eadem Mercurius Trismegistus differit in Pymandro; à quo Platonem didicisse opinor: sic enim loquitur Pymander, id est, Mens diuina: Adsum ego, inquit, his qui boni, piij, puri, religiosi, sanctique sunt; presentia mea fero illis opem; adeo ut statim cuncta dinoscant, Patremque pacatum, propitiūmque habeant. itaque gratias agant, benedicentes pie, & hymnis solennibus collaudantes. concedunt sanè corpus morti suæ; sensuum illecebras fastidiunt, utpote qui planè diiudicent, quàm lethifera sensuum lenocinia. quin etiam ego ipsa Mens, ianitoris munere fungens, insidiantes insidias corporis haudquaquam permitto finem consequi suum: aditus autem, per quos blanditiæ manare solent, iugiter intercludo, libidinūmque fomites omnes extinguo. contra, ab ignavis, im-

probis, inuidis, iniquis, homicidis, impiis, procul admodum habito, permittens eos Daemonis vltoris abitrio; qui, ignis acumen incutiens, sensus affligit; magisque ad patranda scelera hominem armat, ut, turpioris culpa reus, acriori supplicio sit obnoxius; cumq̃ sine vlla intermissione ad insatiabiles concupiscētias inflammat.

T H E. Propterea supplex precatur Rex David, dicens: *Ne derelinquas me Domine, Deus meus, ne discesseris à me: intēde in adiutorium meum Domine, Deus salutis meę. & iterum: Non auertas faciem tuam à me: in quacunque die tribulor inclina ad me aurem tuam. Verum si pensulabimus supradicta Trismegisti, & Platonis verba, non differunt ab illis Pauli ad Romanos: Sicut non probauerunt, inquit Apostolus, Deum habere in notitia, tradidit illos Deus in reprobum sensum, ut faciant ea quę non conueniūt; repletos omni iniquitate, & malitia; fornicatione, & auaritia; nequitia plenos, inuidiis, homicidiis, contentione, dolo, malignitate; susurrones, detractores, Deo odibiles, contumeliosos, superbos, elatos, inuentores malorum.* **H I S T.** His verbis mihi videtur Apostolus mehercule nostri temporis mores taxare; qui nihilo meliores cernuntur, quamuis vera Dei cognitio habeatur. **T H E.** Accuratius dixeris, haberi possit.

nam Iohannes Apost. ad Ecclesias scribens, ait: Qui dicit se nosse Deum, & mandata eius non custodit, mendax est. PHI. Quantum vero aliis pestilentiores sint mali Reges, quorum ductu omnes intemperāter degant, vitāque vivant infelicissimam, paulo ante uberrime demonstratum est. bonos & graues viros odio omnino habent; quorum sanctitate vita sua ipsorum scelera coargui intelligunt; quodque eorūdem virtus mirum inmodum ipsis formidolosa est: & ideo solos sibi similes diligunt. unde illud: Sub malo Principe boni Cives esse nō possunt. T H E. Regnantibus impiis, ruina populorum; in Prouerbiis. PHI. Scite igitur huiusmodi gubernatio ubique detestatur; & tanquam pestem fugiendam exclamat diuinus Plato his verbis: Quippe, inquit, extrema omnia subeunda sunt prius, quā sub ea gubernatione vivere, quae peiores solet homines facere. HIST. Heu heu, quā omnis nunc dissoluta est disciplina: Pudor, fatuitas dicitur; Modestia, rusticitas, Frugalitas, hipocrysis. Apuleius Platonicè philosophans, violatæ professionis apud Proconsulem accusatus proditur, quod speculum domi habebat, capillo insordidato incederet, dentifritium cum versiculis dono amico dedisset. at Clerus nunc noster, à quo ceteri discunt

licentioſe viuere ; quòd ambitioſe, delicate, laſciuiter, impudenter viçtitet ; domi amatoriiſ ſpeculiſ, concubiniſ, proliſpariſ, tanta coma non modo calamiftrata, verum etiam unguentata, mollibuſ nequitioſuſ veſtibuſ, aut reſupinuſ ſica terribiliſ incedit, non eſt qui paululum admoneat.

MARI SALAMONII

DE PRINCIPATV

LIBER IIII.

PHI.



*A M nedum oculiſ cernitiſ, ſed etiam maniſ ac pediſ veſtriſ palpatiſ, Principem & plu-
ribuſ & arçtioribuſ ligari legi-
buſ, quàm quiniſ aliuſ ; & erra-
re illoſ, qui ſimpliciſter ſolutum dicunt. I V R.
Satiſ mihi iſthæc tua quadrant diçta. honeſtatiſ
magiſ iure quàm neceſſitatiſ, conuenire dici-
muſ tanta Maieſtatiſ ſuaſ ſeruare leges, non au-
tem oportere. PHI. Perpende quid loqueriſ.
I V R. Satiſ pẽſum, exploratũque eſt & mihi,
& reliquiſ Iuriſperitiſ quod loquor. PHI. Cane
abſurdũ. I V R. Quomodo abſurdũ? PHI. Ab-*

*surdissimū mehercle est astimare, aliud decere, aliud Principē oportere. I V R. Cur non? P H I. Quoniā hoc pacto plus apud Principē necessitas, quā honestas valeret: quod est dubio procul ipsa absurditate absurdius. I V R. Plane quicquid licet non cōtinuo honestū esse legimus; pariterq; non quicquid honestum est, mox facere oportet. P H I. Plebeia virtutis est ista distinctio. & sapiēti ab honesto turpe est discedere, Principi turpissimū: & ut plebeiū, sic falsum est, Quod non omne honestū facere oporteat. si vitiū fugiendū est, honestas omnino est appetenda: & quicquid honestum non est, vitio mancipatur. unde sit, qui honestum respuit, vitium amplectetur. neque valere illam argumentationem, Si non omne, quod licet, honestum est, pariter non omne honestum facere oportere; quoniam nihil vere honestum est, quod facere non oporteat: Non omne quod licet honestum est, is sermo indicat, aliquid fore licitum, quod honestum non sit, & honesti tum ratio praualeat. esto, liceat trāsgre-
di leges. si id idem honestum non fuerit, Princeps facere non debet. T H E. Hinc Apostolus: Omnia licent, ait, non omnia expediunt. I V R. Quomodo honestum non est, si licet? P H I. Licitum, & Honestum inter se differūt, quòd illud legis respicit sanctionem; honestum vero quòd*

naturæ conuenit. I V R. Nunquid lex minus honesta sancit? P H I. Minime: quòd si sanciret, ab omni vi & dignitate legis decideret. tum labes sunt, inquit Cicero, non leges. T H E. Et Aur. Augustinus ait: Iura non sunt putanda iniqua, vel hominum Constituta. P H I. Animaduertite, Lege licere, plurifariam accipitur, quòd, aut quid iubet lex, aut permittit, aut non inhibet. nam quæ iubet aut permittit, semper honesta sint est necesse: quæ honesta non sunt, neque permittere, neque iubere lex potest. Tertium genus liciti creditur, quicquid lege non est inhibitum: quòd siquid honestum non sit, facere est impermissum; non quia lege inhibitum, sed honestati contrarium est. esto, lege civili solutus quis sit, non propterea lege honestatis, quæ validior est, solutus intelligitur. & quòd lex civilis relaxat, lex honestatis plerunque moderatur, vel inhibet. accedit alia non minus elegãs ratio. I V R. Quanam? P H I. Princeps Deï locum tenet. T H E. Propter me Reges regnant, scriptum est. & Saluator noster ad Pilatum: Potestatem in me haberes nullam, nisi datũ esset tibi desuper. hinc Apostolus: Omnis potestas à Deo est; ministri enim Dei sunt in bonum. P H I. Sapientes nostri docent, Nihil in Deo indecens esse posse. T H E. Id idem & nos proba-

mus. IV R. Quid tum? PHI. Hinc efficitur, indecorū sicut in Deo esse non potest, sic in Principe, qui vices eius gerit in terris, esse non debet. THE. Heroica sane virtute praeclere ceteros oportet eum, qui semetipsum vitæ exemplar exhibiturus est. IV R. Succurrunt iam mihi Iulij Pauli Iuriscōsulti, & Divi Alexandri verba; quæ, simul iuncta, probant manifeste, Quod non decet fieri non posse. PHI. Recita, si memoria tenes. IV R. Teneo. ausculta; Pauli hæc verba: Ex imperfecto testamento legata, & fidei commissa Imperatorem capere verecundum est: Alexandri autem verba, sunt hæc: Ex imperfecto testamento nec Imperatorem hereditatem vindicare posse, sæpe constitutum est. ecce quod Paulus Verecundum respondit: Divus Alexander Fieri non posse rescripsit. utroque autem elegantius Papinianus expressit his verbis: Nam, quæ facta ledunt pietatem, existimationem, verecundiam nostram, nec facere nos posse credendum est. PHI. Si privatis impossibilia iure vestro existimantur quæ verecunda sunt, multo certe plus Principibus sunt inhibita, in quos omnium conuersi sunt oculi: & in summa, ut ab initio disseruimus, Tyrannidis proprium est legū transilire lineas. IV R. Princeps ergo solutam potestatem, quæ vulgo sup-

prema potentia dicitur, exercere non potest.

PHI. Aptissime Potētia, & non Potestas vulgo dicitur; quòd illud facti, hoc iuris est nomen.

& procliuior sententia est, exercere non posse, quatenus Princeps est, sine iusta causa, nisi Tyrannus haberi malit. IVR. Delirant ergo Doctores nostri, dicentes, De summa potentia nihil excipi.

PHI. Non delirant; quoniam Tyrannidi nihil nefarium, nihil illicitum est. IVR. De vero Principe loquuntur.

PHI. Vehementer errant: propter hoc enim Princeps suscipitur, ut legum sit custos, non autem violator. IVR. Papa ista ratione derogare neque scripto, neque moribus recepto iuri posset; quod Canonistæ Dispensare dicunt.

PHI. Vestra est hæc messis, viri sapientissimi. IVR. Nostra profecto est. tu, sanctorum antistes, quid censes?

THE. Censeo, ut præ cæteris Papæ admirabilior est potestas, sic ipse circumspectior esse debet. sane vinēs virtutis simulacrum & esse, & videri conuenit. ipse edito sublimatur, ut conspicuus sua luce luceat omnibus: eoque minus sibi lacere intelligat,

quòd nullum eius factum, dictum, ac cogitatum latere potest: non unum sed mille Argos habet suarum actionum observatores, atque præcones:

quique, ut sanctissimi Gregorij in Iob verbis utar, hominibus non præesse, sed prodesse letari

debet: quique non quæ sua sunt querat, sed quæ Christi, curet atque conficiat, quod est, non opes non regna, non honores, sed solam animarum salutem: hæcquæ causa Dispensationis sit neganda, vel concedenda. IVR. Panormitanus Dispensationem, non dispensationem vocitat, quæ siue iusta causa indulgetur. obseruate obsecro Vlpiani ad hanc rem verba: In rebus, inquit, nouis constituendis euidentis utilitas esse debet, ut recedatur ab eo iure, quod diu æquum fuit visum. PHI. Vlpiani sunt verba isthæc? IVR. Ipsiusmet. PHI. Quo loci? IVR. In libris Digestorum, de Constitutionibus Principum. PHI. Ergo de cõstituendis à Principe loquitur? IVR. Proculdubio. PHI. Et illa verba, Euidens utilitas, num de publica, an ipsiusmet Principis intelligitis? IVR. Publica. s. populi. PHI. Item; Euidēs, nūquid vera & omnibus manifesta, an verbis adumbrata; ut illa pro annonariis Ripæ? IVR. Vt omnib⁹ liquido palā pateat. THE. Quid tu vir sapientissime censeas, à te intelligere desideramus. PHI. De Sum. Pont. vestra est discussio, ut paulo ante dixi, de quo verecunde semper, ac reuerēter loquor. conuenire tamen videmini, omnino quibusdam rationis retinaculis cohiberi. de reliquis Principibus intrepide sentio, sine iustiori causa de via cedere non vale-

re. I V R. *Quid si excessisset?* P H I. *Tyrannum agit.* T H E. *Et Papa, quannis à nemine propter hoc iudicari queat, diuinum tamen iudicium non subterfugiet.* I V R. *Vt quid igitur talis libera & soluta potestas? v̄tosa (me Deus) isto modo magis ambitionis videtur, postquam vere semper, & ubique libera non est.* P H I. *Atqui perutilis ac necessaria est. cuius vsus, & non abusus, probatur; nec aliunde pendet, quàm Principatus ipse, quem ad populor. commoda institutum constat. huius rei causa ea proditur: Vt non imaginari, ita nec scriptis legibus omnes casus comprehendi possunt, & propterea Arist. & alij Rerump. scriptores, Magistratus quosdam in Ciuitate creandos monēt cum summo imperio, qui vel legum interpretatione, vel noua sanētionē his quæ accidunt, suppleant, ac statuant. derogat itaque vetustis legibus solus Princeps: supplet, variat ex natura rerum, morum temporum ac casuum vicissitudine, ubicūque euident̄ utilitas postulat.* I V R. *Diuus Iustinianus in Oratione De veteri iure ad Senatum, sic concionatus est: Ideo Imperialem fortunam rebus humanis Deus præposuit, ut possit omnia quæ nouiter contingunt & emendare, & componere, & modis & regulis competentibus tradere.*

MARI SALAMONII

DE PRINCIPATV

LIBER V.

PHI.



BVNDE, ni fallor, discussa sunt
 omnia, quantum ratiocinando
 assequi potuimus. I V R. Ita mi-
 hi persuadeo. P H I. Solum super-
 est dispiciamus, Nunquid Prin-
 ceptus Romanus vere solutus vnquam fuerit: &
 An in dominum susceptus; ut vulgo creditur.
 qua ad historiam pertinere dicebamus. Igitur
 si placet Historicum nostrum compellamus. non
 enim inconuenit, hac qua disputamus histo-
 riarum commemoratione illustrari. T H E. Ope-
 rapretium est. P H I. Tuum nunc est, vir dili-
 gentissime, initia ac causas Principatumum disse-
 rere. H I S T. Exterarum omnium gentium, an
 nostratum solum? exordiar, si vultis, à pri-
 mis Regibus, per singulas nationes ac temporum
 vices decurrens. P H I. Longa nimis isthac atq;
 impertinens recitatio, postquam de Romano in-
 ter nos Principe agitur. I V R. Locupletissimus
 huiusce rei auctõr apud nos Pomponius est in

Origine iuris. iccirco aliunde petere superuacuum foret: si placet eius verba in medium adducam. P H I. Haud hercle maioribus auctori- bus hac res discerni potest, quàm hisdem, quibus cum omnis de Principe contentio est. I V R. Quemadmodum ad Senatum, deinde ad Principem delata Resp. fuerit, Pomponius his verbis explicat: Quia difficile plebs conuenire cœpit, populus certe multo difficilius. in tanta hominum turba necessitas ipsa curam Reip. ad Senatum deduxit. ita cœpit Senatus se interponere; & quicquid Senatus constituisset, obseruabatur; idque Ius appellabatur S. C. Nouissime, sicut ad pauciores viros iuris constituendi via transisse, ipsis rebus dictantibus, videbatur, per partes euenit, ut necesse esset Reip. per Vnum cōsuli. nam Senatus non omnes prouincias probe gerere poterat. igitur, constituto Principe, datum est ei proprium ius, ut quod constituisset ratum esset. H I S T. Ecce, apertissimo tui Pomponij testimonio, quòd non in Domini, neque ipsius Principis gratiam. i. propter ipsum Principem, sed propter Remp. quam optime administrandam, Principatus constitutus fuit. difficilis numerosi populi coitio rem ad pauciores. i. seniores detulit; eadēque difficultas sæpius cogendi Senatū, Imperio iam propagato, nego-

eius undique confluentibus, Principatum inuenit. benegerenda ergo Reip. primum gratia, Senatus, id est Optimatū gubernatio suscepta est. commodioris postea administrationis, additus Vnius hominis principatus. per unum Consuli reip. ait, non autem Dominari. sic etiam Coss. quod reip. bene consuleret, sunt appellati. P H I. Item ait: Constituto Principe, datum est ei proprium ius, ut quod constituisset ratum esset. consideraſtis his verbis, prius creatum Principem, deinde potestatem iuris constituendi datam? & sic, nisi data fuisset, iure principatus minime competiisset, ut paulo ante dicebam. additumque Quod ratum esset, quasi non satis sit potestatem constituendi leges fieri, nisi specialiter caueatur, ratum futurum. I V R. Indican-
 itidem Vlpiani verba, dicentis: Augusta, licet legibus soluta non sit, Princeps tamen eadem illi privilegia tribuit, quae ipse habet. ergo non iure Principatus, sed privilegij. Diuus Alexander rescripsit: Nihil tam proprium imperij esse, quam legibus viuere. ergo imperij improprium esset, suo arbitrio viuere. H I S T. Animaduer-
 tiſtini quid sibi velint eiusdem Pomponij verba? illa, Nam Senatus non omnes prouincias probe gerere poterat. igitur, constituto Principe &c.

I V R. Non utique quannis verborum sensus quamini

minime sit ambiguus. auco igitur quid sentias, discere. HIST. Recte dicis, in aperto sensum esse; quòd Princeps, Senatui iunctus, ad prouinciales res potius, quàm urbicas, aut Italicas administrandas; & prouincialium non omnium, sed limitarium. IV R. Quid audio? Diuus Antoninus apud nos se mundi dominum iactat; & portiuncule tu ministrum facis. HIST. Mundi, non Urbis, dixit. IV R. Aut iocaris, aut ineptis, quasi urbs extra orbem sit, quòd eius amplexu minime contineatur. HIST. Complectitur orbis ambitu, non autem Antonini verbis, qui pro populo Romano loquebatur, creditumque sibi Imperium in orbem exercebat, pro urbe quidem orbis dominus cura & sollicitudine; nec alia mens populi Romani fuit, ut testimonio Pomponij tui iam iam cognouimus. Vox Domini in urbe semper infestissima. nam veluti Pater non est sine filio, ita Dominus non est sine seruo. si Princeps urbis dominus, proculdubio Pop. Romanus Principis sui esset seruus. THE. Sanctissimus Gregorius in Epistolis scribit, differre Ro. Principem à ceteris, quòd solus Princeps est populi liberi. IV R. Constantinus ergo inutiliter Urbem cum Italia & Occidenti beatissimo Siluestro dono dedisset. HIST. Vtrum donauerit, quanuis haud certis constat auctoribus

etoribus, varia fortuna visa est inquisitio. Laurentius Valla, sine controuersia vir doctissimus, quòd Constantinianam negauerit donationem, parum absuit quin inter hereticos relatus fuerit: Syluium vero Aneam, post eum qui fortissime contra eandem donationem scripsit, neque unquã retractauit; Pium ij. inter Pot. Maximũ omnium consensu approbatum vidimus. nos latet quæ sors futura sit nobis. taceamus ergo, ne in aliquod discrimen incidamus. IV R. Edissere audacter. Ecclesia Romana gaudet veritate fabulosis adnotationibus inimica. HIST. Missa isthac obsecro faciamus, ut à nostra disputatione aliena. verum quid diuus Hieronimus de Flauio Constantino, qui primus Romanorum Patris maximi cognomine honestatus est, chronicis Eusebianis adiecerit, admirari me cogit: Constantinus, inquit, extremo vitæ suæ tempore ab Eusebio Nicomediensi Episcopo baptizatus, in Arrianum dogma declinauit; & quum bellum pararet in Persas, in Acirone villa publica iuxta Nicomediam moritur, anno etatis suæ LXVI. hæc sanctissimi Hieronimi parum conuenire videntur cum scriptis Paleæ. Constantini filij, Constantinus, Constans, & Constantius, ex Cesaribus Augusti appellati sunt. Imperium inter se partiti, Constantino obuenerunt partes

Gallia, Hispania, Alpes Gotia, Britannia, Orca-
des, Hybernia, Tylæ: Constanti, Italia, Affrica
cum insulis, Illyricū, Macedonia, Achaia, Pello-
ponnesus, Græcia: Constantio Oriens, & Thra-
cia; cuius caput Constantinopolis. si Italia cum
uniuerso Occidenti Ecclesiæ facta erat, quomo-
do inter se Costātini liberi iure hereditario di-
uiserunt? Constantinus illa quidem donatione
pius; eius vero liberi impiissimi; & quot post
eum Principes extiterunt: & imprimis vester
religiosissimus Iustinianus legiser, xiiij à Con-
stantino, quòd illius donationis temeratores sese
præbuerunt. cuncti sanè Romæ, & in Italia, atq;
per uniuersum Occidentem imperiosissime re-
gnauerunt. Hispanias non ante amisimus, quàm
sub Heraclio, xix à Constantino Imperatore,
eripiētibus Gothis, anno Salutis D. C. XXXV.
sedente Seuerino Pont. Max. Quid tam vetera?
multas adhuc Italia ciuitates parere Casari vi-
demus, & amissas multas. Verùm, dic Iuriscon-
sultissime, Valēt in alienos populos leges? I V R.
Quid rogas? HIST. Hoc ipsum rogo; respon-
de. I V R. Stultissimi est hoc querere. HIST.
Responde obsecro: & grauisissimi ac sapientissimi
forte efficiam. I V R. Cedo; non magis me her-
cle valent, quàm seruorum in dominos: quid
tum? HIST. Ista ratione inanes & stulti ap-

parent omnes sudores tui, vigilia, & lucubrationes, quas in Iustinianas impendis leges, quòd late appareant ab eo, & aliis post Costantinum, qui nullum ius, teste Palea, in Vrbe, Italia, ac Occidentalibus populis obtinebant. IV R. Nimis, me Deus, vrgent ista qua loqueris. explorati iuris est, ditionis Ecclesiasticae populos solo Pontificio ligari iure. Iurisdictionis quippe vitium nimis nimiũ. ubique & semper est. nihilominus perge quod ceperas de limitari Caesarũ Imperio recēdere. HIST. Afferatur geographiæ Strabonis Cappadocis libri. IV R. Ecce. HIST. Volue, & quare vltimũ librũ. IV R. Ecce, xvij est, continēs descriptionem Lybiæ, & earum regionum, quæ circa Nilum sunt, Romanis remota satis loca. HIST. Reuolue. in calce libri scripta quero: lege hos versiculos. IV R. Tuum est, qui isto Auctore superbis. HIST. Parebo. tu singula perpende verba: Caesar Augustus, quum Patria ei totius Imperij patrociniũ permiscrit, & pacis & belli, quandiu viueret, potestati haberet, totũ Imperiũ bifariã diuisit. nam partẽ sibi ascivit, partẽ populo dedit, ac sibi quidem quacunque presidio militum indiget: ea est regio barbara, & gentibus nondum subactis finitima; sterilis sanè, & cultu difficilis; vt, propter caterarum rerum inopiam, & copiam munitionum, iugum de-

trecent. populo reliquam concessit, quæ pacata est, & facile sine armis retineretur. utramque portionem in Prouincias diuisit: quarum aliæ Caesaris, aliæ Populi dicuntur. in suas præfecturas Caesar ipse administratores mittit. & alio tempore aliter partitur regiones: & ut res postulat, ita versatur. In populi prouincias Populus Imperatores, vel Coss. mittit. sed hæ quoque in diuisiones alias deducuntur, prout usus postulauerit. in initio tamen duas Consulares fecit, Lybiam .s. quæ Romanis paret, ea dumtaxat excepta, quæ prius sub Iuba fuit; nunc uero sub Ptolemæo est illius filio: & Asiam cis Alim, & montem Taurum, Galatis exceptis, & gentibus quæ sub Amynta fuerunt: præterea etiam Bythiniam & Propontidem. præfecturas uero decem, in Europa quidem & adiacentibus insulis ea scilicet, quæ ulterior Hyberia circa Bethim flumen est, & Attacem; & ex Celtica, Narbonensem; tertiam, Sardiniam cum Cyrno; quartam, Siciliam; quintam, Illyrii partem, quæ ad Epyrum uergit; sextam, Macedoniam; septimam, Achaiam usque in Thessaliam, & Etholiam, & Acharniam; & nonnullas Epyri gentes, quæ Macedonia sunt conterminæ; octauam, Creten cum Cyrenaica; nonam, Cyprum; decimam, Bythiniam cum Propontide & quibus-

dam Ponti partibus. Ceteras Caesar prouincias habet, in quarum alias procuratores mittit Cōsulares viros; in alias, homines ex equestri ordine: Reges vero, & Principes, & Decarchæ eius portionis sunt, ac semper fuere. Iam perspicitis quomodo Imperij Romani patrocinium quo ad viueret suscepit Augustus; nec omnes prouincias gessit, sed illas solum, quæ hostibus finitimæ, quæque sine militum presidio defendi nequibant: quæ vero pacate regi sine armis poterant, ab ipso Populo Romano administrabatur.

T H E. *Perspicio sane, & persuasum difficilia mihi forent ista, nisi cum Pomponij nostri scriptis conuenirent; qui ad gerendas, quas Senatus gerere non poterat, prouincias, Principem constitutum tradit. HIST.* *Non ergo in dominos, sed defensores, Augustos sibi fecit Populus Romanus: semperque imperium populi Romani mansit, non Caesarum. Credo nos aliquando vidisse Diui Seueri triumphalem arcum marmoreum, qui adhuc integer extat in radicibus Capitolij, in ea parte, quæ Palatium spectat; ubi post titulos & gloriose res gestas, scriptum legitur, OB IMPERIUM POPVLI ROMANI PROPAGATVM. Si Imperium Seueri extitisset, Populi Romani, scriptum non esset. P H I.* *Dic age, iuris antistes, siquid ha-*

bes amplius pro Rom. Principe. IV R. Habeo adhuc quadam Vlpiani verba. PHI. Recita, si placet IV R. Hæc sunt. Quod Principi placuit, legis habet vigorem; utpote lege regia, quæ de eius imperio lata est, populus ei & in eum omne imperium suum & potestatem concessit. PHI. Non dicit Legibus solutum. excutiamus, Omne Imperium suum, nonne accipitis suiipsius populi? IV R. Vtique. V H I. Et, in seipsum, vel in alios? IV R. Profecto. PHI. Potuit in Principem plus iuris contulisse, quàm ipse in semetipsum haberet populus? IV R. Minime. PHI. Vbinam hominum quispiam est, qui suiipsius sit dominus ac servus? IV R. Nullibi. PHI. Si neque homo, neq, populus suiipsius est dominus ac servus, pari ratione nec in seipsum quis habet imperium. IV R. Proculdubio. PHI. Ergo aliud imperium in Principem, quàm dominium, transtulisse necesse est. IV R. Videtur. PHI. Non dominus propterea Princeps, sed minister potius. natura contraria sunt Dominatio, & Principatus. hinc in Panegyrico Secundus de Traiano dixit: Sedemque obtinet Principis, ne sit Domino locus. & de Diuo Nerua idem: Non enim seruulis tuis Dominum, sed Principem ciuibus daturum. IV R. Quid amplius dicam nescio. PHI. Præterea, Quod

Principi placuit legis habet vigorem, Ulpianus ait: quia lege regia populus omne suum imperium transtulit. dic Amice, Placere verbum, in bonam, vel in malam partem capitis? I V R. Apertius differe. P H I. Vtrum licentiosum, an non licentiosum Placitum dicitis? I V R. Placere verbum receptum est boni viri arbitrio; sed in Principe latius usurpatur. P H I. Ergo Principis placitum mali viri placitum intelligitis? I V R. Cauillaris. P H I. Vera loquor. inter bonum & non bonū virum non est medium; veluti inter virtutem & vitium. aut ergo populus imperium transtulit in Principem ut malum virum, & absurdissimam rem dicitis; aut, ut placitis boni viri uteretur, & consequens est, uti boni viri non est legem transgredi sine iusta causa, sic à Principe publicæ utilitatis causa imperium collatum boni viri placito exercendum, & eo modo, quo in seipsum ipsemet Populus uteretur exerceretque. Postremo, in quem sensum accipitis illa verba, Omne imperium ac potestatem? an ita, quod populus nihil sibi reliqui fecerit? an quod parem cum populo potestatem legibus ferendis Princeps exerceret? I V R. Procliuior sententia est, quod nihil sibi reliqui fecerit populus. siquidem parem potestatem retinisset, nullum imperium super populū

obtinuiſſet Princeps. P H I. In quaſtionem re-
 uocas quod exacte inter nos diſcuſſum conſtitit,
 ſi tibi non excidit, Vniuerſum ſimul populum
 ſuo Principe potioſorem, in ſingulos vero ciues di-
 tionem habere ratio non conſentit: Ro. populum
 ſpote ſe imperio abdicaiſſe ſcio inter vos non am-
 bigi: Senatum ius facere potuiſſe, quod S. C.
 dicebatur. I V R. Et crimine capitali damna-
 tos reſtituere, & Plebs plebiſcita, & ſuas Popu-
 lus vniuerſus leges, imperitantibus adhuc Prin-
 cipibus, quarum multa inter manus verſantur,
 religioſiſſimęque obſeruantur. H I S T. Q. Se-
 ptimius Tertullianus meminit, Tiberium Au-
 guſtum retuliſſe ad Senatum, & cum preroga-
 tina ſuffragij ſui cenſuiſſe, vt pro Deo Chriſtus
 coleretur; Senatum vero non modo vetuiſſe, ſed
 Chriſtianorũ accuſatoribus premia propoſuiſ-
 ſe. Nero, à Senatu hoſtis iudicatus, more maio-
 rum puniendus; id eſt nudi hominis ceruicem
 inſeri furcæ; & corpus virgis ad necem cedi.
 Conſideratis ergo, ex Senatus auctõritate, quan-
 ta totius populi fuerit. P H I. Seruientis ad e-
 poli populi non ſunt iſta. I V R. Vnum, vel alterum
 exemplum adduxiſſe nihil eſt. poſtquam ad nu-
 tum Cęſarum acta omnia non ignoramus, ve-
 teres abrogatas leges, nonas inductas, magiſtra-
 tus contra maiorum mores datos & ablatos, in

Senatores Equitēsque passim ſanctum, proſcriptumque. P H I. Vis eſt iſta: de Principatu, non de Tyrannide diſceptamus. T H E. Vera narrat noſter Sapiens. I V R. Cōſtititque illa inter Doctores noſtros ſententia, quod Princeps potuiſſet iuſta cauſa à populo Romano magiſtratu abdicari. & egregie Baldus noſter in libris Reſponſorum, Imperator, inquit, poteſt ſupremum imperium alteri communicare, & communicando nihil à ſe abdicat; quia imperij honorem, ut maiestatem, nō poteſt in alium transferre, quin ipſe remaneat ſuperior. hæc Baldus, quæ Caccia-lupus commendat. ſic ergo Pop. Romanus communicauit Principi Imperium.

M A R I I S A L A M O N I I

D E P R I N C I P A T V

L I B E R V I.

H I S T.



*T*EMPVS eſt ad Legem regiam redeamus; de qua ſæpiſſime inter nos mentio facta eſt; & ne unum quidem eiſdē Legis adhuc verbum audire quini: cuius commemoratione blandiri potius ipſis Princi-

pibus videmini. asseueratis enim ea legibus solutum Principem: nec quisquam vestrum est, qui Legem regiam legerit, audiueritue. I V R. Satis est nobis locupletissimū Vlpiani testimonium. H I S T. Dic, cōsultissime, legem regiam, vnā vel plures, & quando latā dicitis? I V R. Vnā; & quando primū Principatus constitutus proditur. H I S T. Ergo ab initio lata de Imperio omnium, quotquot futuri essent. I V R. Exploratum habemus. & hinc est, quod Iustinianus Imperator Vlpiani verba, dicentis, Principem solutū legibus, digessit in leges. H I S T. Quid si non vna omnibus Imperatoribus lex fuit, sed singulis Principibus haud hisdem conditionibus renouari consuevit? I V R. Fugit hoc nos. H I S T. Non mirum, ut in multis, sic in hac re, rerum gestarum incuria vos falli. Tabula aenea, quae adhuc in Lateranensi Basilica pendet, singulis Principibus, ex arbitrio Po. Romani, legem regiam variari cōsueuisse arguit. pars est enim legis regiae de imperio Vespasiani, quae superuacua fuisset, si ab initio Principatus pro omnibus in perpetuum successoribus lex lata fuisset. eius verba sunt haec:

Foedusue cum quibus volet facere, ita uti licuit Diuo Augusto, Tib. Iulio Caesari Aug. Tyberioq;, Claudio, Iulio Caesari Aug. Germanico.

Vtique ei Senatum habere, relationem facere, remittere Senatusconsulta per relationem, discessionemque facere liceat, uti licuit Diuo Augusto, Tyberio, Iulio Casari Augusto, Tyberio, Claudio Casari Augusto Germanico.

Vtique quom ex voluntate auctoritateue, iussu mandatuue eius, presentuue eo Senatus habebitur, omniũ rerũ ius perinde habeatur, seruetur, ac si e lege Senatus edictus esset, habereturque.

Vtiq; Coss. Magistratus potestati, imperium, curationẽne cuius rei petẽtes Senatui, Populoq. R. commendauerit, quibusue suffragationem suam dederit, promiserit, eorum Comitibus quibusque extra ordinem ratio habeatur.

Vtique ei fines pomarij proferre, promouere, cum e rep. censebit esse, liceat, uti licuit Tyberio, Claudio Casari Augusto Germanico.

Vtiq; quacũq; ex usu reip. maiestate diuinar. humanar. publicar. priuatarumque rerum esse censebit, ea agere facere ius potestasque sit, ita uti Diuo Aug. Tyberioque, Iulio Casari Aug. Tyberioque, Claudio Aug. Germanico fuit.

Vtique quibus legibus, plebisue scitis scriptũ fuit, ne Diuus Augustus, Tyberiusue, Iulius Cas. Aug. Tyberiusq;, Claudius Casar Aug. Germanicus tenerentur, his legibus plebisque scitis, Imp. Cas. Aug. Vespasianus solutus sit: quaq; ex quaq;

lege, rogatione, Dium Aug. Tyberiumue, Iulium Casarem Aug. Tyberiumue, Claudiū Cæs. Aug. Germanicum facere oportuit, ea omnia Imp. Casari Vespasiano Aug. facere liceat.

Utique quæ ante hanc legem rogatam acta, gesta, decreta, imperata ab Imperatore Casare Vespasiano Augusto, iussu, mandatuue eius a quoque sunt, ea perinde iusta rata sint, ac si populi plebisue iussu acta essent.

SANCTIO. *Siquis huiusce legis ergo aduersus leges, rogationes, plebisue scita, senatusue consulta fecit, feceritue, siue quod cum ex lege, rogatione, plebisue scito, senatusue consulto facere oportebit, non fecerit, huius legis ergo id ei ne fraudi esto, neue quid ob eam rem populo dare debeto, neue de ea re cui, actioneue iudicatio esto, neue quis de ea re apud eum agi sinito.*

PHI. *Observastis, viri sapientissimi, singula huiusce legis verba? nihil adepol potuit adduci, quod apertius quæ de Principatu paulo ante constituimus lucidaret confirmaretq;. Ultima tabula est legis de imperio D. Vespasiani. quod si omnes alias, uti hanc, ad nos transmisisset vorax vetustas, singuli proculdubio questionum de Principatu nodi facile soluerentur. Hæc primum indicat, non unam pro omnibus Imp. legem regiam latam, ut Historicus noster vere assererat,*

sed singulis Principibus singulas necessarias fuisse; conditiones, quibus Principatus à Pop. Rom. deferretur, continentes. nam Diuo Vespasiano apparet pomæryi proferendi cōcessa potestas, uti Germanico data; non autē aliis Principibus. & penultimo Capite, dum ait: Quæque ex quaque lege, rogatione, Diuum Aug. Tyberiumue, Iulium Cas. Aug. Tyberiumue, Claud. Cas. Aug. Germanicum facere oportuit, ea omnia Imp. Cas. Vespasiano facere liceat, latior potestas Vespasiano data, quàm supra nominatis Imp. quòd quadam eos facere oportuit, quæ Vespasianum lege facere non oportebat.

Item illis verbis: Utique quibus legibus, plebisue scitis scriptum fuit, ne Diuus Aug. Tyberiusue, Iul. Cas. Aug. Tyberiusue, Claudius Aug. Germanicus tenerentur, his legibus plebisue scitis Imp. Casar Aug. Vespasianus solutus sit, liquet, non omnibus solutum legibus Vespasianum, neque qui ante eum Imp. extiterunt. Rursus, ex Capite, ubi ait: Utique quæcunque ex usu reip. maiestàte & cat. consistat, non simpliciter liberam rerum administrationem demandatam, sed eam solum, quæ ex usu, id est utilitate & maiestàte reip. esset. unde deducitur, quod ea, quæ ex utilitate & maiestàte publica non essent, ius & potestas faciendi non

esset. Ex ultimo Capite in perspicuo ponitur superior illa populi potestas ac maior ipso Principatu, de qua me differentem irridere videbami-
 ni. Quomodo ergo Ulpianus; legibus solutum Principem dicit? I V R. Non dixit Omnibus: certe multus solutum non dubitatur; ut, omnium solennium Iuris obseruatione. Diuus Alexāder, rescribendo, ait: Lex imperij solēnibus Iuris Imperatorem soluit. H I S T. Forte de suo Alexandro loquitur Ulpianus; cuius protutor, & magnus consiliarius fuit. potuit enim, lege de suo Imperij ob insignes eius virtutes à populo R. mereri, ut nulla teneretur lege. P H I. Non iniuria: quoniam Temperatis viris Deus lex est, inquit Plato. T H E. Aduesperascit, viri disertissimi. finem velim imponamus, tametsi prius me fatigatum sentiam, quàm satiatum his sermonibus. H I S T. Cadentibus umbris, velimus nolimus, noster intercipitur sermo. in aliam differamus diem. T H E. Nihil non abunde trutinatum video. I V R. Et plene, & ingenue. P H I. Cedo, abeamus: & interim vobiscum ruminare siquid excidit, aut non bene dictum fuerit. Tumultuaria disputatio nostra grauiori censura castiganda subiiciatur. His dictis B. P. disputationi finis impositus est. perfecì quod promiseram: nisi verecundius dixerim, faciebam;

*more illorum sapientum, qui scite arbitrati sunt
 imbecillitatis humanæ facere, non perficere. scio
 tamen non defuturos qui studio obreptationis
 aliena insectantur. indulgeant sane, ut lubet,
 suo ipsorum genio. satis est Mario, à
 te non reici, in tutelamque susci-
 pi, qui ex bono & equo
 singula perpendis.
 Vale felicissime,
 diutissime.*

ERRATA.

Pag. 1; lin. 11. aut post Dux ita deest aliquid; aut legendum; adhibere, personas. 17. 14. impossibile. T H S. ut dicebat Chryl. 19. 11. & ciuitas, æque geritur. ut quid &c. 48. 11. & arguto ingenio.

53. 14. dele. Contra vniuersam Remp. Illorum, pro Venetor. repositueram, ut id ipsam s'ntem rectius diceretur.

60. 3. diuus Mero; ita erat impressum; itaq. legendum est. Meronem vocat Claud. Neronem per derisum quendam. nam facete olim de illo Caldius Biberius Mero. Adnotauerat Ant. Vacca, I. C.

62. 11. Conamuni vestram, Vidi postea non sensu solum, sed & forma scribendi, qua vultur interdum, legedum esse, Contra naturam.

64. 14. recederent. 70. 16. curam habendam ei, quæ re vera ciuitas. 72. 13. appellant, fortasse leg. 75. 4. tribuitur.

86. 8. contra rationes, cum ratione appareat & explorete, legi debere; non Contrarius, ut erat impressum.

93. 11. sub diuo, legebatur. diu, reposituerunt. 96. 11. ut Crispus ait. 108. 5. ventosa magis ambitio mihi videtur. 111. 5. post Administrandas videtur deesse; sit constitutus, aut tale quippiam.

Sunt præterea alia quædam pessime affecta loca; quor. curatio, & paginæ huius & temporis angustiis exclusi, reiciemus in aliam editionem: summaque ope enitemur, ut omnes vndique quoquoque eritæ reliquæ non bonæ valetudinis, plena tandem, ut ille ait, sanitate limentur.





PAGINA 7, li. 6. *Ab impuro, quia infensus est Deo &c.* nāq; ab indigno libata munera nō sunt iocūda, teste coma Beronica; nullamq; habent vtilitatē, vt perhibet Soph. in Medea: *κακῶν γὰρ αἰσπὸς δῶρον ἴσμον ἔκ ἐξ.*

35, 17. *Et quando quid natura melius &c.* Videtur ex illis Saluatoris nostri verbis desumpta ratio: Quia Pater maior me est. Vniui. n. vos mihi, inquit Leo Magnus in iij. de Pentec. & factus sum filius hominis, vt vos filij Dei esse possitis. vnde licet vnus in vtroq; sim, tamē quo vobis cōformor, Patre sum minor: quod autē à Patre non diuidor etiā meipso sum maior. B. Greg. in Præf. Iob: Hinc est quod Angelus, qui Moyfi apparuisse describitur, modo Angelus, modo Dominus memoratur. Angelus videlicet propter hoc quod exterius loquendo seruebat: Dominus quia interius præsidens loquendi efficaciam ministrabat.

42. 1. *Congruentia autem media &c.* Symmachus in 1. Ep. Omnium beneficiorū quæ tribuit potior fortuna subiectis, certa sunt tempora. solæ leges, quæ in bonum commune procedunt, nunquam patiuntur occasum.

49, 17. *Iustum esse quicquid potentiori suo Principi placet.* Aeschylus: *Ἐ καὶ ἰαυτῶν τὸ δίκαιον ἔχειν ἔδει.* Demosth. *ὁρῶ γὰρ ἀναρτίς αὐτοῦ τὴν παρῆσαν δυνάμιν, Ἐ αὐτὸ δίκαιον ἀξιοῦναι.*

51, 7. *Quam vero necessarium sit studium obseruanda Religionis.* ideo Theod. Rex Iudæis in principio cuiusdam Epistolæ: Sicut exorati iustum cupimus præbere consensum, ita per nostra beneficia fraudes fieri legibus non amamus, in ea parte præcipue in qua diuinæ reuerentiæ credimus interesse. Sed in extremo ita concludit: Damus siquidem permissum, sed errantium votum laudabiliter improbamus: Religionem imperare non possumus, quia nemo cogitur ut credat inuitus. Quam sententiã hausisse videtur ex Apolog. Tertulliani.

Beatus Ambrosius in Epistolis: De negociis civilibus siquid statuitur, nemo putat esse temerandum: & præceptum de religione calcatur? Nihil maius est religione.

56, 5. *In reb. nouis constituendis.* nam non fieri sine periculo rerum inuolutiones sapienter docuit Arist. Vnde Philo Iudæus in extremo de Abrahamo libro dicebat: Senior & primus vir bonus dicendus est: omnis autem malus, extremus & nouissimus, ut nouator & tractans res extremi ordinis. Hinc semper Nouæ res, in malam partem, & Tacit: Noua, ambigua, ancipitia. Adde Machiavelum nostrum in iij. lib. cap. v.

57, 12. *Principes solum ad commoda populor.* Plinius secundus: O nouum atq. inauditum ad principatum iter: non te propria cupiditas, proprius metus, sed aliena utilitas, alienus timor Principem fecit.

73, 6. *Vt discant bene agere.* sicut vetustissimi mortalium, inquit Tac. qui, ut nulla adhuc mala libidine sine probro, scelere, eoq. sine pœna, aut

coercitionib. agebant, neq. Præmij opus erat, cum honesta suo pte ingenio peterentur, & vbi nihil contra morem cuperent, nihil per Metum vetabantur.

14. *Qui statim constituunt &c.* Non absurde Clemens ille centurio apud Tac. in 1. An præmia sub Dominis, pœnas sine arbitro esse?

75, 5. *Quod nulla Fisci causa &c.* Plin. in Paneg. Eodem foro vtuntur Principatus & Libertas, quæ præcipua tua gloria est, sæpius vincitur Fiscus, cuius mala causa nusquam est, nisi sub bono Principe. Vnde Cassiodorus in Epist. Quapropter fit in rerdu, causa mala Fisci, vt bonus Princeps esse videatur.

13. *Exemplum appellant &c.* quod pertinet ad vtilitatem publicam. Tac. in xv. Vnde, quanquam aduersus fontes & nouissima exempla meritos, miseratio oriebatur, tanquam non vtilitate publica, sed in scuitiam vnus absumerentur. & in xiiij. Habet aliquid ex iniquo omne magnum exemplum, quod contra singulos vtilitate publica rependitur.

76, 15. *Dum dominari magis, quàm consulere.* Tacitus in iij. Tum Gn. Pompeius, iij Cos. corrigendis morib. delectus, & grauior remediis, quàm delicta erant, suarumq. legum auctor idem, ac subuersor, quæ armis tuebatur armis amisit. exin cõtinaua per xx. annos discordia: non mos, nõ ius.

78, 4. *Quasi commeantib. gratũ &c.* Scelera ostendi oportet dũ puniuntur, ait Tac. De morib. Germ. Flagitia abscondi debent: vt sit hodie in hæreticorum mortibus apud Venetos.

5. *Non sic maiores nostri.* Tac. in xiiij. Patus Thra-
sea multo cum honore Cæsaris, non quicquid
nocens reus pati meretur, id egregio sub Principe,
& nulla necessitate obstricto Senatu, statuendum
differuit: carnificem, & laqueum pridem aboli-
ta: & esse pœnas legib. constitutas, quib. sine Iudi-
cum sœuitia, & temporum infamia, supplicia de-
cernerentur. & in iij, M. Lepidus: Si P. C. vnum
id spectamus, quàm nefaria voce Clutorius Pri-
scus mentem suam & aures hominum polluerit,
neque carcer, neque laqueus, neque seruales qui-
dem cruciatus in eum suffecerint. sin flagitia &
facinora sine modo sunt, suppliciis ac remediis
Principis moderatio, Maiorumq. & vestra exem-
pla temperant. & vana à scelestis, dicta à maleficiis
differunt. est locus sententiæ, per quam neq. huic
delictum impune sit, & nos clementiæ simul ac
seueritatis non pœniteat.

80, 13. *Nihil differunt ab Histronib.* ex Hippocrate
sumpta similitudo.

81, 8. *Eleganter ergo iunior Plinius.* Et eius quoq.
familiaris, & meus, dicit in iij: Sed præcipuus ad-
stricti moris auctor Vespasianus fuit, antiquo ipse
cultu, victuq. Obsequium inde in Principem, &
æmulandi amor validior quàm Pœna ex legibus,
& Metus. Adde quod Nicolaus Machiauellus
noster docet in Cap. xxix.

84, 5. *Ad hæc Aur. Augustinus.* & Cicero: Negli-
gere quod de se quisq. dicat, non arrogantis modo
est, sed etiam dissoluti.

89, 4. *Quod si in pretio census habeat &c.* Theod.
Rex. in 1. Indigentiam iuste fugimus, quæ sua-

det excessus, dum pernicioſa res eſt in Imperante tenuitas. modus ubique laudandus eſt. nam, cur aut vituperabilis negligentia in propriis deſuat, aut aliena cupiditas turpis abradat?

20. *Belli neruus eſt pecunia.* Tacitus: Sed nihil æque fatigabat, quàm pecuniarum cōquiſitio: eos eſſe belli ciuiliſ neruos dictitans Mutianus. non ius aut verum in cognitionibus, ſed ſolam magnitudinem opum ſpectabat.

92, 9. *Fallitur quiſquis res magnas &c.* Adde huc Cincinnati verba illa: Operæpretium eſt audire qui omnia præ diuitiis humana ſpernunt, neq. honori magno locum, neq. virtuti putant eſſe, niſi effuſe effluant opes. & quæ præterea ad ea ſcripſit Machiauellus, Cap. xxv.

96, 21. *Quas nemo ſapiens, vt Crispus ait, cōcupiuit.* bene Tacitus: Stultiſſimus quiſq. pecuniis mercabatur. apud ſapientes caſſa habebantur, quæ neq. dari, neq. accipi, ſalua Rep. poterant.

98, 2. *Fluxu. n. rerum &c.* Quia vt idem ait, miſerix tolerantur, felicitate corrumpimur. Quod iiſdemmet verbis B. Auguſtinus protulit, ſiue ab ipſo Tacito mutuatis, ſiue, vt loquentib. moris eſt (vtar ego quoque Paciani acutiſſimi viri verba) ex copia ſermonis humani dicere aliquid, quod ante dictum ſit.

98, 16. *Nam aurum quod poſidēt &c.* B. Ambroſ. in Epift. Nihil Eccleſia ſibi niſi Fidem poſidet: poſſeſſio Eccleſiæ ſumptus eſt egenorum.

101, 9. *Quodq. eorundem virtus miram in modum formidoloſa eſt.* Saluſtij dictum.

104, 25. *Miniſtri. n. Dei ſunt.* Pacianus in Paræ-

nessi: Nunquam Deus non pœnitenti comminaretur, nisi ignosceret pœnitenti: solus hoc, inquires, Deus poterit: verum est. sed & quod per Sacerdotes suos facit ipsius potestas est.

106, 19. *sic ipse circumspectior esse debet.* Tiberius apud Tac. in iij. Mihi autem neq. honestum silere, neque proloqui expeditum, quia non Aedilis, aut Prætoris, aut Consulis partes sustineo. maius aliquid, & excelcius à Principe postulatur. & cum recte factorum sibi quisque gratiam trahant, vnus inuidia ab omnib. peccatur.

23. *Quod nullū eius factū &c.* Plinius in Paneg. Habet hoc primum magna fortuna, quod nihil tectum, nihil occultum esse patitur: Principū vero non modo domos, sed cubilia ipsa, intimosq. recessus recludit: omniaque arcana noscenda Famæ proponit atq. explicat. ex Sallust. in Orat. Marij.

107, 1. *Quisque non qua sua querat.* qui non bona sua computet. vt Petronius loquitur: Nemo cælum putat, nemo iusiurādum seruat, nemo Iouem pluris facit, sed omnes opertis oculis bona sua computant.

111, 2. *Benegerende ergo Reip. &c.* Theodosius in ij Var. Constat Senatum populis viuēdi regulam præstitisse. nam quod ornat nōmen R. a vobis legitur institutum. Item, Senatum, gremium libertatis appellat. & alio loco magnifica de ipso loquēs, ait: Vos deuotionem Prouinciis: Vos priuatis iura decreuistis: & ad omnes iustitiæ partes subditos parere libenter docuistis.

112, 18. *Vox domini &c.* a domino etiam nostro Iesu recusata. de Augusto legitur, Acerbe in cre-

puisse eos, qui Diuinas occupationes, ipsumq. Dominum dixerant. nam Dominatio propria superbor. Sallust: Post ubi imperiū Regiū, quod initio conseruandæ libertatis, atq. augendæ Reip. fuerat, in superbiam, Dominationemq. se conuertit &c. Tac. Quod precium effusū totiens sanguinis expectatis, nisi immortalia tributa, virgas, secures, & Dominor. ingenia? Vnde Dominum libertatis, Cassiodorus dixit eleganti temperamento.


118, 21. *Natura contraria sunt Dominatio & Principatus.* ex Paneg. ad Traianum: Scis vt sicut diuersa natura Dominatio, & Principatus, ita non aliis esse Principem grariorē, quàm qui maxime Dominum grauētur. &: Non de Tyranno, sed de ciue; non de Domino, sed de parente loquimur. vnum ille se ex nobis & hoc magis excellit atque eminet quod vnum ex nob. putat. nec minus hominem se, quàm hominibus præesse meminit. intelligamus ergo bonum nostrum, dignosq. nos illius vsu probemus, atque identidem cogitemus si maius Principib. præstemus obsequium, qui seruitute ciuium, quàm qui libertate lætantur.

125, 10. *Latiore potestas Vespasiano data &c.* Adnotauerat Antonius Vacca, I. C. obstare huic sententiæ verba Taciti, quæ sunt in xx: At Romæ Senatus cuncta Principibus solita Vespasiano decernit.





i20230448





163

18